



240-4514

了翁之藏書大藏及百家言置於別號聲山
我微笑塔薩拉府中本益學者不敢許出院內

B 64853

大乘止觀法門釋要卷第三

明古吳沙門智旭述

(巳)五明治感受報不同之義三。初正明。二釋疑。三
破執。
(午)初中二。初明治感不同。二明受報不

同上
未今初

次明第五治惑受報同異所由問曰如來之藏旣具一切世法出世法種子之性及果報性若衆生修對治道熏彼對治種子性分分成對治種子事用時何故彼先所有惑染種子事卽分分滅也卽能治所治

卷之三

種子皆依性起。卽應不可一成一壞。答曰。法界法爾所治之法爲能治之所滅也。問曰。所治之事旣爲能治之事所滅者。所治之性亦應爲能治之性所滅。答曰。不然。如上已說事法有成有敗。故此生彼滅。性義無始並具。又復體融無二。故不可一滅一存也。是故衆生未修治道之前。雙有能治所治之性。但所治染法之性。依熏起用。能治淨法之性。未有熏力。故無用也。若修治道之後。亦並具能治所治之性。但能治之性。依熏力故。分分起於淨用。所治之性無所熏力。被

對治故染用。分分損減。是故經言。但治其病而不除法。法者法界法爾。卽是能治所治之性。病卽是所治之事。

未二明受報不同

問曰。能治所治可爾。其未修對治者。卽無始已來。具有一切故業種子。此種子中卽應備有六道之業。又復一一衆生各各本具六道果報之性。何不依彼無始六道種子。令一衆生俱時受六道身耶。答曰。不得。何以故。以法界法爾故。但可具有無始六道種子在

於心中。隨一道種子偏彊偏熟者。先受果報。隨是一報之中。不妨自雜受苦樂之事。要不得令一衆生俱受六道之身。後若作菩薩自在用時。以悲願力故。用彼故業種子。一時於六道中受無量身。教化衆生也。

(午)二釋疑二。初釋凡聖同時受報疑。二釋凡聖同

時治惑疑。(未)今初

問曰。據一衆生。卽以一心爲體。心體之中。實具六道果報之性。復有無始六道種子。而不得令一衆生一時之中。俱受六道之報者。一切諸佛。一切衆生。亦同

以一心爲體故。雖各各自具六道果報之性。及六道種子。亦應一切凡聖次第先後受報。不應一時之中。有衆多凡聖答曰。不由以一心爲體故。便不得受衆多身。亦不由以一心爲體故。要須一時受衆多身。但法界法爾。若總據一切凡聖。雖同一心爲體。卽不妨一時俱有一切凡聖。若別據一衆生。雖亦一心爲體。卽不得一時俱受六道報也。若如來藏中。唯具先後受報之法。不具一時受報之法者。何名法界法爾。具一切法耶。

卷之三
二釋凡聖同時治惑疑

問曰。上言據一衆生。卽以一心爲體。心體雖具染淨二性。而淨事起時。能除染事者。一切諸佛。一切衆生。旣同以一心爲體。亦應由佛是淨事故。能治餘衆生染事。若爾者。一切衆生自然成佛。卽不須自修因行。答曰。不由以一心爲體故。染淨二事相除。亦不由以一心爲體故。染淨二法不得相除。亦不由別心爲體故。凡聖二事不得相除。但法界法爾。一切凡聖雖同一心爲體。而不相滅。若別據一衆生。雖亦一心爲體。

卽染淨二事相除也。如來之藏。唯有染淨相除之法。無染淨不相除法者。何名法界法爾。具一切法。

(4)三破執二。初破正計。二破轉計。(末)初中二。初起計。二破斥。(申)今初

問曰。向者兩番都言法界法爾。實自難信。如我意者所解。謂一一凡聖。各自別有淨心爲體。何以故。以各各一心爲體故。不得於一心中俱現多身。所以一一凡聖。不俱受無量身。又復各各依心起用故。不妨俱時有衆多凡聖。此義卽便。又復一一衆生。各以別心

爲體故。一一心中不容染淨二法。是故能治之法熏心時。自己惑滅。以與他人別心故。不妨他惑不滅。此義亦便。何爲辛苦堅成一切凡聖同一心耶。

(申)二破斥二初約共相法身直破。二引事例破。

(酉)今初

答曰。癡人。若一切凡聖不同一真心爲體者。卽無共相平等法身。是故經言。由共相身故。一切諸佛畢竟不成佛也。

(酉)二引事例破二初引多身無二心爲例。二引染

淨無二心爲例。

(戌)今初

汝言一一凡聖各各別心爲體故。於一心中不得俱現多身。是故一衆生不俱受無量身者。如法華中所明無量分身釋迦俱現於世。亦應不得以一法身爲體。若彼一切釋迦唯以一心爲法身者。汝云何言一心不得俱現多身耶。若一心旣得俱現多身者。何爲汝意欲使一一凡聖各別一心爲體故。方得俱時有凡聖耶。又復經言。一切諸佛身。唯是一法身。若諸衆生法身不反流盡源。卽是佛法身者。可言一切衆生

在凡之時。各各別有法身。旣衆生法身卽是諸佛法身。諸佛法身旣只是一。何爲一一凡聖各各別有真。心爲法身耶。又復善財童子自見遍十方佛前悉有已身爾時豈有多心爲體耶。又復一人夢中一時見無數人。豈可有無數心與彼夢裏諸人爲體耶。又復菩薩以悲願力用故業受生之時。一念俱受無量種身。豈有多淨心爲體耶。

(戊)二引染淨無二心爲例

又復汝言一一凡聖各以一心爲體。一心之中不得

容於染淨二法故所以能治之法熏心時自己惑滅。以與他別心故不妨他惑不滅此義爲便者。一人初修治道時此人惑染心悉應滅盡。何以故。以一心之內不容染淨二法故若此人淨法熏心心中有淨法時仍有染法者此人應有二心。何以故。以他人與我別心故我修智時他惑不滅我今修智自惑亦復未滅定知須有二心。若使此人唯有一心而得俱有染淨二法者汝云何言以一心之內不容染淨二法故淨生染滅耶。是故諸大菩薩留隨眠惑在於心中復

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

修福智淨法熏心而不相妨。又復隨眠之惑與對治之智同時而不相礙。何爲一心之内不得容染淨二法耶。以是義故。如來之藏。一時具包一切凡聖。無所妨礙也。

未二破轉計二。初轉計二破斥。未今初

問曰。旣引如此道理。得以一心爲體。不妨一時有多凡聖者。何爲一衆生不俱受六道報耶。又復修行之人。一心之中俱有解惑種子。不相妨者。有何道理。得以智斷惑耶。

初領一心具包衆多凡聖。仍轉計一人俱受禱報。次領一心具包解惑種子。遂轉疑智不斷惑也。
 申二破斥二。初正破。二結成。
 酉今初

答曰。蠻蟲如上已言法界法爾。一心之中具有一切凡聖。法界法爾。一一凡聖各各先後隨自種子彊者受報。不得一人俱受六道之身。法界法爾。一心之中。一時具有凡聖不相除滅。法界法爾。一切凡聖雖同一心。不妨一一凡聖各自修智。自斷其惑。法界法爾。智慧分起。能分除惑。智慧滿足。除惑皆盡。不由一心。

之內。不容染淨故斷惑也。法界法爾惑未盡時。解惑同體。不由別有心故。雙有解惑。

上文已曲明之。故但牒上義而爲破斥也。

(酉)二結成

是故但知真心能與一切凡聖爲體。心體具一切法性。如卽時世間出世間事得成立者。皆由心性有此道理也。若無道理者。終不可成。如外道修行不得解脫者。由不與心性解脫道理相應也。法界法爾行與心性相應。所作得成。行若不與心性相應。卽所爲不

成就。此明第五治惑受報不同所由竟。

(巳)六明共相不共相識三。初總明。二別解。三結不

(午)今初

次明第六共相不共相識問曰。一切凡聖旣唯一心爲體。何爲有相見者。有不相見者。有財受用者。有不同受用者。答曰。所言一切凡聖唯以一心爲體者。此心就體相論之。有其二種。一者真如平等心。此是體也。卽是一切凡聖平等共相法身。二者阿梨耶識。卽是相也。就此阿梨耶識中。復有二種。一者清淨分依

他性亦名清淨和合識。即是一切聖人體也。二者染濁分依他性。亦名染濁和合識。即是一切衆生體也。此二種依他性。雖有用別。而體融一味。唯是一真如平等心也。以此二種依他性體同無二故。就中卽合有二事別。一者共相識。二者不共相識。何故有耶。以真如體中。具此共相識性。不共相識性故。一切凡聖造同業。熏此共相性故。卽成共相識也。若一一凡聖各各別造別業。熏此不共相性故。卽成不共相識也。真如平等心體。卽所謂一心真如門也。乃全相之。

體非於阿梨耶識。相外別有體也。阿梨耶識相。卽所謂一心生滅門也。乃全體之相。非於真如平等心體外別有相也。清淨分依他性。卽所謂生滅門中覺義也。染濁分依他性。卽所謂生滅門中不覺義也。覺與不覺用。雖有別。而惟以一心爲體。譬如澄水波瀾。同一濕性。約凡聖有體同之義。卽爲共相識性。約染淨有相別之義。卽爲不共相識性。繇有此二相識性。故隨熏成二相識也。

(下)二別解四。初解共相識。二解不共相識。三解共

中不共。四解不共中共。未今初

大乘止觀釋要三

何者。所謂外諸法五塵器世界等。一切凡聖同受用者。是共相識相也。如一切衆生同修無量壽業者。皆悉熏於真心共相之性。性依熏起。顯現淨土。故得凡聖同受用也。如淨土由共業成。其餘雜穢等土亦復如是。然此同用之土。唯是心相。故言共相識。又此同用之土。雖一切凡聖共業所起。而不妨一一衆生。一聖人。一身造業。卽能獨感此土。是故無量衆生。餘處託生不廢。此土常存不缺。又雖一一凡聖。皆有獨

感此土之業。而不相妨。唯是一土。是故無量衆生新生。而舊土之相更無改增。唯除其時一切衆生同業轉勝。土卽變異。同業轉惡土亦改變。若不爾者。卽土常一定也。

未二解不共相中不共止觀本體真妄同體同證始終

所言不共相者。謂一一凡聖內身別報是也。以一一凡聖造業不同。熏於真心。真心不共之性。依熏所起。顯現別報各各不同。自他兩別也。然此不同之報。唯是心相。故言不共相識。

大乘上觀釋要二
卷之三解共中不共

就共相中。復有不共相識義。謂如餓鬼等。與人同造共業。故同得器世界報。及遙見恒河。即是共相故。復以彼等別業尤重爲障。故至彼河邊。但見種種別事。不得水飲。卽是共中不共也。復據彼同類同造餓業故。同於恒河之上。不得水飲。復是共相之義。於中復所見不同。或見流火。或見枯竭。或見膿血等。無量差別。復是共中不共。若如是顯現之時。隨有同見同用者。卽名爲共相識。不同見聞不同受用者。卽是共不

共相識。隨義分別。一切衆生悉皆如是可知也。

末四解不共中共

就不共相中。復有共義。謂眷屬知識乃至時頃同處同語同知同解。或暫相見。若怨若親。及與中人相識。及不相識。乃至畜生天道。互相見知者。皆由過去造相見知等業。熏心共相性故。心緣熏力顯現如此。相見相知等事。卽是不共相中共相義也。或有我知見他。他不知見我者。卽於我爲共。於他爲不共。如是隨義分別可知。又如一人之身。卽是不共相識。復爲八

萬戶蟲所依。故卽此一身復與彼蟲爲共相識。亦是不共中共相義也。

〔午〕三結示。謂是不共耶。中共耶。是共耶。以有此共相不共相道理。故一切凡聖雖同一心爲體。而有相見不相見同受用不同受用也。是故靈山常曜。而覩林樹潛輝。丈六金軀復見土灰衆色。蓮花妙刹。反謂丘墟莊嚴寶地。倒言砂礫斯等皆由共不共之致也。

已上二詳解六科竟

〔辰〕三總結

此明不空如來藏中藏體。一異六種差別之義竟。上來總明止觀依止中何所依止訖。

〔庚〕二明何故依止。二初正明。二釋疑。〔辛〕初中二。

初明修必依本義。且明全性起修義。〔壬〕今初

次明何故依止。問曰。何故依止此心修止觀。答曰。以此心是一切法根本故。若法依本。則難破壞。是故依止此心修止觀也。人若不依止此心修於止觀。則不得成。何以故。以從本以來未有一法心外得建立故。

此明全修須在性也。心爲法本。心外無法。安得不依止此心而修止觀耶。

初正明。二釋成。今又此心體本性具足寂用二義。爲欲熏彼二義令顯現故。何以故。以其非熏不顯故。顯何所用。謂自利利他故。有如是因緣。故依此心修止觀也。

本具寂義。依之修止。本具用義。依之修觀。繇止觀故。性德顯現。成二利行。又安得不依一心耶。

卷二 釋成

問曰。何謂心體寂用二義。答曰。心體平等。離一切相。卽是寂義。體具違順二用。卽是用義。是故修習止行。卽能除滅虛妄紛動。令此心體寂靜離相。卽爲自利。修習觀行。令此心用顯現繁興。卽爲利他。通論止觀皆具二利。今以背塵合覺。卽三觀之三止。束爲自利止行。而以從體起用。卽三止之三觀。束爲利他觀行。略如最初標示止觀中所明也。

卷二 釋疑

問曰。修止觀者爲除生死。若令顯現繁興。此卽轉增流浪。答曰。不然。但除其病而不除法。病在執情。不在大用。是故熾然六道。權現無間。卽是違用顯現。而復畢竟清淨。不爲世染。智慧照明。故相好圓備。身心安住。勝妙境界。具足一切諸佛功德。卽是順用顯現也。此明止觀依止中何故依止竟。

此別釋觀行中疑也。體旣並具。違順二用。觀則熏彼二用。令得顯現。不幾流浪生死耶。然迷者被違順所用。達者能用違用。順用違則示現惡趣。用順

則示現佛身。所謂君子不器。善惡皆能者也。無間卽阿鼻地獄。不間不住。故名無間。或卽無間。古字閒間。每互用故。

(庚)三明以何依止三。初分科。二解釋。三總結。

辛今初

次明以何依止。就中復有三門差別。一明以何依止體狀。二明破小乘人執。三明破大乘人執。小乘人執意識爲能依。一心爲所依。小乘知意識而不知一心。大乘執一心而欲廢意識。故並須破也。

一 ④二解釋三。初明以何依止體狀。至三破大乘人執。⑤初中二。初總標。二別釋。

初明以何依止體狀者。問曰。以何依止此心修行止觀。答曰。以意識依止此心修行止觀也。

卷二別釋二。初明止行體狀。二明觀行體狀。

子初又二。初正明。二釋疑。丑今初。此義云何。謂以意識能知名義故。聞說一切諸法。自性寂靜。本來無相。但以虛妄因緣故。有諸法。然虛妄法。有卽非有。唯一真心亦無別真相可取。聞此說已。

方便修習。知法本寂。唯是一心。然此意識如此解時。念念熏於本識。增益解性之力。解性增已。更起意識。轉復明利。知法如實。久久熏心。故解性圓明。照已體本。唯真寂。意識卽息。爾時本識轉成無分別智。亦名證智。以是因緣。故以意識依止真心。修行止行也。是故論言。以依本覺。故有不覺。依不覺。故而有妄心。能知名義。爲說本覺。故得始覺。卽同本覺。如實不有始覺之異也。

意識能知名義。聞慧也。方便修習。思修二慧也。一

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

切諸法因緣所生十界法也。自性寂靜本來無相。卽空也。但以虛妄因緣故有諸法。卽假也。有卽非有。惟一真心。亦無別真相可取。卽中也。又一切諸法自性清淨。本來無相。除分別性。入無相性也。有卽非有。除依他性。入無生性也。惟一真心。亦無別真相可取。除真實性。入無性性也。惟一真心。卽無無性。無別真相可取。卽無真性。具如下文所明也。意識如此解時。觀行位也。增益解性。相似位也。意識轉復明利。知法如實。分真位也。解性圓明。金剛識。

後心也。意識卽息。妙覺位也。第八識轉成大圓鏡智。親證真如。名爲證智。爾前皆是妙觀察智之功。故以意識爲能依止也。次復引論證成。依本覺有不覺。故淨心亦名本識。依不覺有妄覺。故意識能知名義。轉意識成無塵智。故爲始覺。意識卽息成無分別智。故始覺卽同本覺也。

(五)二釋疑

問曰。上來唯言淨心真心。今言本識。意有何異。答曰。本識。阿黎耶識。和合識。種子識。果報識等。皆是一體。

異名。上共不共相中。已明真如與阿梨耶同異之義。今更爲汝重說。謂真心是體。本識是相。六七等識是用。如似水爲體。流爲相。波爲用。類此可知。是故論云。不生不滅與生滅和合說名阿梨耶識。卽本識也。以與生死作本。故名爲本。是故論云。以種子時阿梨耶識與一切法作根本種子故。卽其義也。又復經云。自性清淨心。復言彼心爲煩惱所染。此明真心雖復體具淨性。而復體具染性故。而爲煩惱所染。以此論之。明知就體偏據一性說爲淨心。就相與染事和合說。

爲本識。以是義故。上來就體性以明。今就事相說。亦無所妨。問曰。熏本識時。卽熏真心以不。答曰。觸流之時。卽觸於水。是故向言增益解性者。卽是益於真心性淨之力也。是故論云。阿梨耶識有二分。一者覺。二者不覺。覺即是淨心。不覺即是無明。此二和合說爲本識。是故道淨心時。更無別有阿梨耶道。阿梨耶時。更無別有淨心。但以體相義別。故有此二名之異。

⑤二明觀行體狀

問曰。云何以意識依止淨心修觀行。答曰。以意識知

大乘止觀釋要三

名義故。聞說真心之體雖復寂靜。而以熏習因緣故。性依熏起。顯現世間出世間法。以聞此說故。雖由止行。知一切法畢竟無相。而復卽知性依熏起。顯現諸法。不無虛相。但諸凡惑。無明覆意識故。不知諸法唯是心作。似有非有。虛相無實。以不知故。流轉生死。受種種苦。是故我當教彼知法如實。以是因緣。卽起慈悲。乃至具行四攝六度等行。如是觀時。意識亦念念熏心。令成六度四攝慈悲等種子。復不令心識爲止所沒。卽是用義漸顯現也。以久久熏故。真心作用之。

性究竟圓興。法界德備。三身攝化。普門示現。以是因緣。以意識依止淨心修觀行也。

真性之體。雖復寂靜。所謂因緣卽空假中。全事卽理。理具三千也。性依熏起。顯現世出世法。所謂不變隨緣。全理成事。事造三千也。於止行中。具知理具事造兩重三千。憫諸凡惑而起慈悲。具行四攝六度。如是觀時。觀行位中利他行也。用義漸顯。相似位中利他行也。久久熏故。分真位中利他行也。究竟圓興。極果位中利他行也。從始至終。罔非意。

識之功。初明以何依止體狀竟。

(丁)二破小乘人執二。初正破二釋疑。

(癸)今初

次明破小乘人執二。初正破二釋疑。

中(癸)今初
是故要須依止淨心答曰。意識無體。唯以淨心爲體。是故要須依止。又復意意識念念生滅。前非其後。若不以淨心爲依止者。雖修諸行。無轉勝義。何以故。以其前念非後念故。如前人聞法。後人未聞。後人若聞。無勝前人之義。何以故。俱始一遍聞故。意識亦爾。前後兩異。前雖曾聞。隨念卽滅。後若重聞。亦不增勝。何

以故。前後二念俱始一遍聞故。又復如似前人學得甲字。後已命終。後人更學乙字。卽唯解乙字。不識甲字。何以故。前後人異故。意識亦爾。前滅後生。不相逐及。是故不得所修增廣。若以淨心爲體。意識念念引所思修熏淨心性。性依熏起。以成種子。前念念滅。後念起時。卽與前念所修種子和合而起。是故更修彼法。卽勝於前。一念如是。念念轉勝。是故所修成就。若不久熏。尚自種子力劣。便自廢失。所修不成。何況全無依止。直莫前後相熏而得成就也。以是因緣。唯用

意識不假依止。無有是處。

(癸)二釋疑

問曰。小乘法中。不明有本識。何得所聞所思皆得成就。答曰。博地凡夫。乃至聞教畜生等。有所修習得成者。尚由本識爲體故成。何況二乘。但彼自不知此義。非彼不假淨心也。問曰。不聞教畜生豈無淨心爲體。答曰。造作癡業尤重。熏心起報亦卽極鈍。雖有點慧之性。及有宿生點慧種子。但以現報所障故。不得有用。故不聞教。非是無淨心也。

(戊)三破大乘人執二。初破名言。二破暗證。三破今

初

次明破大乘人執。問曰。但用淨心修行止觀。卽足。何用意識爲。答曰。已如上說。由意識能知名義。能滅境界。能熏本識。令惑滅解成。故須意識也。問曰。淨心。自性寂靜。卽名爲止。自體照明。卽名爲觀。彼意識名義。及以境界體性非有。何論意識尋名知義。滅自心境界耶。答曰。若就心體而論。實自如此。但無始已來。爲無明妄想熏故。不覺自動。顯現諸法。若不方便尋名。

知義。依義修行。觀知境界有卽非有者。何由可得寂靜。照明之用。問曰。淨心自知已性本寂。卽當念息。何用意識爲。答曰。淨心無二。復爲無明所覆。故不得自知本寂。要爲無塵智熏。無明盡滅。方得念息。問曰。但息於念。心卽寂照。何故要須智熏。寂照始現。答曰。若無無塵智熏。心裏無明。終不可滅。無明不滅。念卽息。

四番問辭。皆從名言而起計度。繇其秉大乘教。不知大乘實義故也。初二問。泛約道理。次二問。泛約

功夫。心識粗浮者。必多此計。答文如次破斥可知。叵不可也。

癸二破暗證二。初問二答。丁今初

問曰。我今不觀境界。不念名義。證心寂慮。泯然絕相。豈非心體寂照真如三昧。

不觀境界。不念名義。是出其盲修之功夫。證心寂慮。泯然絕相。是呈其暗證之妄境。豈非心體寂照真如三昧。是錯認驢鞍橋作阿爺下領也。故下文先約證破。次約修破。則知其終不離於意識矣。

子二答中二初約證破次約修破。丑初又二初
標徵二逐破。寅今初

答曰汝證心時爲心自證爲由他證爲證於他。
寅二逐破三初破自證二破他證三破證他。

卯初中三初直破二破轉計三結破。辰今初
若心自證即是不由功用而得寂靜若爾一切衆生
皆不作心求於寂靜亦應心住。

辰二破轉計五初破作意二破自止三破能知四
破自知五破七識能見。巳今初

若言非是自然而證蓋由自心作意自證名爲自證
者作意即是意識卽有能所卽名爲他云何得成心
自證也。

巳二破自止

若非他證但心自止故名自證者若不作意卽無能
所云何能使心證若當作意即是意識即是他證。
午三破能知

若言衆生體實皆證但由妄想不知體證故有其念
能知心體本性證寂不念諸法故念卽自息即是真

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

如三昧者爲是意識能知本寂爲是淨心能知本寂若是淨心自知本寂不念諸法者一切衆生皆有淨心應悉自知本寂故自息滅妄識自然而得真如三昧以不修不得故知淨心不得名自知也若言意識能知淨心本證卽自息滅故但是意識自滅非是意識能證淨心是故說言心自證者意識知心本證之時爲見淨心故知本證爲不見淨心能知證也若言不見淨心能知證者不見佛心應知佛證若見淨心故知證者淨心即是可見之相云何論言心真如者

離心緣相又復經言非識所能識亦非心境界以此驗之定知意識不見心也以見與不見無有道理知心本寂故設使心體本證妄念之心不可息也爲是意識能知本寂爲是淨心能知本寂此雙微也先破淨心能知如文可解次破意識能知者若云意識轉成無塵智故知法無實惟一淨心亦無別心相可取如是久久熏心轉成證智則雙超見與不見兩關但彼不肯用無塵智妄計意識知證隨卽息滅名爲淨心自證故立見淨心不見淨心

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

增補正觀釋夢三

二義難之。若意識不見淨心而能知淨心自證。論如不見佛心能知佛證。無有是處。若意識見淨心故而知淨心自證。則淨心成可見相。非是真淨心矣。若不用無塵智爲方便。縱令心體本證。亦何能息滅妄念哉。

(1) 四破自知

若言妄識雖不見淨心。而依經教知心本寂。故能知之智熏於淨心。令心自知本證。卽不起後念。名爲自證者。汝依經教知心本寂之時。爲作寂相而知。爲不

作寂相而知。若作寂相而知者。妄想之相。云何名寂。若不作相。卽心無所繫。便更馳散。若言作意不令馳散者。卽有所緣。旣有所緣。卽還有相。云何得言不作相也。

旣不用意識轉爲無塵智。乃謂意識依教知心本寂。熏於淨心。令心自知本證。則彼意識知本寂時。作寂相耶。不作寂相耶。作相則是妄想。不作便更馳散。縱謂不作相而但作意。作意旣有所緣。何異於作相耶。

(巳)五破七識能見

若言七識能見淨心故知心本寂。知已熏心令心自知本證。故不起後念。卽名爲自證者。是亦不然。何以故。以七識是我執識故不能見心本寂。又復若爲能緣之所緣者。卽非淨心。如上心體狀中已說。旣所緣非實。故熏心還生妄念也。

若計七識能證本寂。卽同他證。今云知心本寂。熏心令知本證。故仍是自證之轉計也。破有二義。一者我執之識不能見本寂故。二者縱許能見所見。

非淨心故。

(辰)三結破

以是義故。無有道理淨心自證。不起後念也。

既淨心不能自證。安得不以無塵智爲方便哉。

(卯)二破他證二。初正破二轉破。

(辰)今初

若言由他證者。是亦不然。何以故。心體自寂靜故。但以有六七識等。名之爲他。由有此他。故說他心不證。是故乃可證他。何須以他證心也。

六識若轉成無塵智。則不名他。以達自他無性故。

也。又卽謂之他證亦可。今旣不許用無塵智。而云他證。他乃淨心之幻翳。如何能證淨心。喻如水可證波。何須以波證水也。

(辰)二轉破

若言心體雖復本寂。但以無始無明妄念熏故。有此妄念習氣在於心中。是故心體亦不證寂。故須他證者。何等方便。能除心中習氣令心證也。若言更不起新念故。不熏益彼習氣。彼卽自滅者。彼未滅間。有何所以不起新念也。若無別法爲對治者。彼諸習氣法

應起念。若起念者。更益彼力也。以是義故。由他所證亦無道理。

何等方便。有何所以。若無別法三語。皆暗指無塵智而言之。若不許無塵智。更有何等方便。更何所以。更將何法對治習氣耶。

(卯)三破證他四。初明他不易證。一明心不證他。二明他不相止。四明嫌非方便。(辰)今初

若言不須用他證。心但證於他。以他證故。習氣自滅者。是亦不然。他旣有習氣爲根本故。念念常起。若不

先除彼習氣種子者。妄念何由可證也。

非無塵智。不能除於習氣種子。習種不除。他何可證。如不息風波。何繇寂。

(辰)二明心不證他

又復淨心無有道理能證於他。若能證他者。一切衆生皆有淨心。應悉自然除於妄念也。

前云是故乃可證他。喻如水能起波。今云無能證他。喻如水不能自滅其波也。

(辰)三明他不相止

若言妄念前後自相抑止。久卽息。故名爲證他者。爲前止後爲後止前。若言前念止後念者。前在之時。後識未生。後若起時。前念已謝。不相逐及。云何能止。若言後念止前念者。亦復如是。不相逐及。云何能止。前之二文。是破以自證他。此後二文。乃破以他證他也。以前後妄念。皆名他故。然前後既不相及。云何能相抑止。設非以意識依止本識而修止觀。決無證入之方便矣。

(辰)四明嫌非方便

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

若前念起時。卽自嫌起。嫌起之心熏於本識。令不起後念者。心不自見。云何自嫌。若後念嫌前故。能嫌之心熏於本識。令不更起後念者。能嫌之心嫌前心時。爲知前心是空故嫌。爲不知是空故嫌。若知是空。卽是無塵智也。汝云何言不須此智。又若知是空。則應不嫌。若不知前念空者。此心卽是無明。何以故。以其前念實空而不能知故。又復不知前念空故。孰有實念而生嫌心。卽是妄想。何以故。以其於空妄起實有想故。此能嫌之心。既是無明妄想故。卽是動法。復言

熏心。此乃亦增不覺。重更益動。生起之識。於是雲興而言能令後念不起者。蓋是夢中之夢未醒覺也。故作斯說。彷彿不睡者。必應不言如此。

起時非嫌時。嫌時非起時。故云心不自見。云何自嫌。若後念嫌前。令不更起後念。是則可爾。然知空則應不嫌。嫌則轉增不覺動法。云何捨無塵智而反墮無明窠臼耶。先約證破竟。

(五) 次約修破二。初正破。二判簡。

(寅) 今初

又復若言不作心念諸法故。念不起者。爲淨心不作

心念爲是意識不作心念。若是淨心不作心念者。本來何因作心念法。今忽何因不念法也。若是意識不念法者。意識即是其念。若言意識不作心念法者。爲對見法塵而不念爲不對見法塵而不念爲對而不見而不念爲全不對塵名爲不念。若不對塵云何說爲意識。何以故。以識者必識所識故。若對而不見。即是頑瞽之法。若見而不念爲何所因而得不念。爲知空故。所以不念。謂爲有故。所以不念。若知是空。是無塵之智。對而不見。見而不念。二俱無妨。何故汝言不

須此智。若謂爲有。卽不能不念。又復謂有之時。卽已是念。又復謂爲有故。卽是無明妄想。而復不念。譬如怯人閉目入闇道理。開眼而入。唯有外闇。倒生怕怖。閉目而入。內外俱黑。反謂安隱。此亦如是。念前法時。唯有迷境無明。而生嫌心。不念之時。心境俱闇。反謂爲善。又復若不作意念法。心則馳散。若作意不念諸法。作意卽是亂動。非寂靜法。云何得名證心也。

先雙徵次雙破。初破淨心不作心念可知。次破意識又二。初總破。謂意識即是念。云何名爲不作心

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

念二別破。謂縱令意識不作心念法者。於四句中屬何句耶。若不對塵不名意識。先破第四句也。若對而不見。是頑瞽法。次破第三句也。此下總破前二句。知空則二俱無妨。謂有則二俱有過。並如文可知。

(寅)二判簡

但以專心在此不念故。卽以此不念爲境。意識爲此境所繫。故於餘境界無容攀緣。是故惑者不知此事。便謂於諸法無復攀緣。遂更深生寶玩。將爲真法。是

以策意相續不休。以晝夜久習熟故。不須作意。自然而進。但不覺生滅常流。剎那恒起。起復不知。無明妄想。未遣一毫。又不解自身居在何位。便言我心寂住。應是真如三昧。作如是計者。且好不識分量也。雖然。但以專心一境故。亦是一家止法。遠與無塵之智爲基。近與猿猴之躁爲鎖。比彼攀緣五欲游戲六根者。此卽百千萬倍爲殊爲勝。但非心體寂照。真如三昧耳。是故行者爲而不執。卽是漸法門。若欲成就出世之道。必藉無塵之智也。

但以專心等。是叙其修證之相。但不覺生滅等。是判其以妄濫真。雖然但以等。是收其不無勝力。但非心體等。是簡非圓頓法門也。上來分科解釋以何依止竟。

辛三總結

此明止觀依止中以何依止竟。上標五番建立中第
一止觀依止訖。

(戊)二明止觀境界三。初標。二釋。三結。(己)今初

次明止觀境界者。謂三自性法。就中復作兩番分別。

一總明三性。二別明三性。
若論自性清淨如來藏心。不惟非分別及依他境
界。并真實性亦無所施其名目。祇因迷真成妄。今
約返妄歸真。故得以三性爲所觀境也。

(己)二釋爲二。初總明三性。二別明三性。(庚)今初

所言總明三性者。謂出障真如及佛淨德。悉名真實
性。在障之真與染和合。名阿梨耶識。此即是依他性。
六識七識妄想分別。悉名分別性。此是大位之說也。
一往略判。故名大位之說。若欲委細。須別明也。

大乘上觀釋要三

(庚)二別明三性。二初別明。一合辨。(辛)初中三。初

別辨真實性。二別辨依他性。三別辨分別性。

(壬)初又三。初標章。二各釋。三合結。(癸)今初

所言別明三性者。初辨真實性。就中復有兩種。一者有垢淨心以爲真實性。二者無垢淨心以爲真實性。

(癸)二各釋。二初釋有垢淨心。二釋無垢淨心。

(子)今初

所言有垢淨心者。即是衆生之體實。事染之本性。其足違用。依熏變現。故言有垢。而復體包淨用。自性無

染。能熏之垢。本空所現之相。常寂。復稱爲淨。故言有垢淨心也。

(子)二釋無垢淨心

所言無垢淨心者。卽是諸佛之體性。淨德之本實。雖具法爾違用之性。染熏息故事染永泯。復備自性順用之能。淨熏滿故事淨德顯。故言無垢。雖從熏顯。性淨之用非增。假遣昏雲。體照之功本具。復稱淨也。故言無垢淨心。

設使淨用有增。功非本具。則不得名爲淨矣。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

(卷)三合結

然依熏約用。故有有垢無垢之殊。就體談真。本無無染有染之異。即是平等實性大總法門。故言真實性。問曰。既言有垢淨。亦應稱無垢染。答曰。亦有此義。諸佛違用。即是無垢染。但爲令衆生捨染欣淨。是故不彰也。

初合明平等爲真實性。次申明設化偏彰淨名。並可知。

(壬)二別辨依他性二初標章二各釋。(癸)今初

二明依他性者。亦有二種。一者淨分依他性。二者染分依他性。

(癸)二各釋二初釋淨分依他。一釋染分依他。

(丁)初中二初正釋二科簡。(戊)今初

清淨分依他性者。卽彼真如體具染淨二性之用。但得無漏淨法所熏故事染之功斯盡。名爲清淨。卽復依彼淨業所熏故性淨之用顯現。故名依他所現。卽是所證三身淨土。一切自利利他之德是也。

先釋清淨。繇事染功盡故。當知非斷性染也。次釋

依他。繇淨業所熏故。當知性不自顯也。體顯名證法身。智顯名證報身。福德巧用顯名證應身。約法身名常寂光土。約報身名實報莊嚴土。約應身名方便有餘土。及凡聖同居土。法報爲自利德。應身爲利他德。粗判如此。若交融互攝。則三身不一不異。四土有豎有橫。皆爲淨分依他。一依他一切依他。依他性外無餘法也。

(十一)二料簡二。初約性染義對簡。二對真實性料簡。

(寅)初中三。初正明性染有用。二釋其名清淨分。三

釋其名分別性。(卯)今初

問曰。性染之用。何謂由染熏滅故不起生死。雖然成佛之後。此性豈全無用。答曰。此性雖爲無漏所熏故。不起生死。但由發心已來悲願之力熏習故。復爲可化之機爲緣。熏示違之用亦得顯現。所謂現同六道。示有三毒。權受苦報。應從死滅等。即是清淨分別性法。以可化之機爲緣。熏於性染。顯現示違之用。卽所謂依他起性也。而名爲清淨分別性法。則如下釋。

卯二釋其名清淨分

問曰。既從染性而起。云何名爲清淨分。答曰。但由是佛德故。以佛望於衆生。故名此德以爲清淨。若偏據佛德之中。論染淨者。此德實是示違染用。

天台性惡法門。正本於此。若能卽事惡而達性惡。性惡性善體元無二。則大貪大瞋大癡法門。便可向現行日用無明煩惱中薦取矣。央掘廣額卽其標榜也。

卯三釋其名分別性

問曰。旣言依他性法。云何名爲分別性。答曰。此德係於悲願所熏起故。卽是依他性法。若將此德對緣施化。卽名分別性法也。

一切衆生。全墮分別境中。今隨緣令見。與其同事。故卽名爲分別性也。

寅二對真實性料簡

問曰。無垢真實性。與清淨依他性。竟有何異。答曰。無垢真實性者。體顯離障爲義。卽是體也。清淨依他性者。能隨熏力淨德差別起現爲事。卽是相也。清淨分

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

別性者對緣施設爲能。即是用也。

問中但約真實性簡。答中兼對分別性簡。體相用
則三。不相捨離。約體則一切皆體。故名體大。約相則
一切皆相。故名相大。約用則一切皆用。故名用大。
鏡體光炤可爲同喻也。思之。

(子)二釋染分依他二。初正釋。二料簡。(丑)今初

所言染濁依他性者。卽彼淨心。雖體具違順二用之
性。但爲分別性中所有無明染法所熏故。性違之用。
依熏變現虛狀等法。所謂流轉生死輪迴六趣。故言

染濁依他性法也。

六趣虛狀。依熏變現似有非實。故名染濁依他。凡
夫不了妄謂實我實法。則成分別性耳。

(丑)二料簡又二。初正簡。二釋疑。

(寅)今初

問曰。性順之用。未有淨業所熏故。不得顯現。雖然在
於生死之中。豈全無用耶。答曰。雖未爲無漏熏故。淨
德不現。但爲諸佛同體智力所護念故。修人天善。遇
善知識漸發道心。即是性淨之用也。

對上淨分中料簡性染。如文可知。

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

(寅)二釋疑

問曰。一切衆生皆具性淨等爲諸佛所護。何因發心先後。復有發不發。答曰。無始已來。造業差別輕重不同。先後不一。罪垢重者。蒙佛智力。罪垢重者。有力不蒙。問曰。罪垢重者。性淨之用豈全無能。答曰。但有性淨之體不壞。以垢重故。更不有能也。問曰。上言凡聖之體。皆具順違二性。但由染淨熏力。有現不現。何故諸佛淨熏滿足。而不妨示違之用有力。凡夫染業尤重。而全使性順之用無能也。若以染重故。性淨無能。

亦應淨滿故。染用無力。既淨滿而有示違之功。定知染重亦有性順之用。答曰。諸佛有大悲大願之熏。故性違起法界之染德。能令機感斯見。衆生無厭。凡欣聖之習。故性順匿無邊之淨用。不使諸佛同鑑。無淨器可鑑。故大聖捨之以表知機。有染德可見。故下凡尋之明可化也。是故淨滿不妨有於染德。染重不得有於淨用。此躡性淨之用而起疑也。三番問答義並可知。

(壬)三別辨分別性二。初標章。二各釋。

(癸)今初

三明分別性者亦有二種。一者清淨分別性。二者染濁分別性。

(卷)二各釋二。初釋清淨分別性。二釋染濁分別性。
 (子)今初

所言清淨分別性者。卽彼清淨依他性法中。所有利他之德。對彼內證無分別智故。悉名分別。所謂一切種智能知世諦種種差別。乃至一切衆生心心數法。無不盡知。及以示現五通三輪之相應化六道四生之形。乃至依於內證之慧起彼教用之智。說已所得

示於未聞。如斯等事。悉名清淨分別性法。此義云何。謂雖起無邊之事。而復畢竟不爲世染。不作功用。自然成辦。故言清淨。卽此清淨之覺隨境異用。故言分別。又復對緣攝化。令他清淨。攝益之德爲他分別。故言清淨分別性也。

初以對無分別智說名分別。卽所謂後得智也。一切種智下廣出其相。此義云何下重釋其名。先一
 番約當體釋。次一番約利他釋。合結可知。

(子)二釋染濁分別性

所言染濁分別性法者。卽彼染濁依他性中虛狀法。內有於似色似識似塵等法。何故皆名爲似。以皆一心依熏所現故。但是心相似法非實故名爲似。由此似識一念起現之時。卽與似塵俱起。故當起之時。卽不知似塵似色等是心所作。虛相無實。以不知故。卽妄分別執虛爲實。以妄執故。境從心轉。皆成實事。卽是今時凡夫所見之事。如此執時。卽念念熏心還成依他性。於上還執復成分別性。如是念念虛妄互相生也。問曰。分別之性與依他性旣迭互相生。竟有何

別。答曰。依他性法者。心性依熏故起。但是心相體虛無實。分別性法者。以無明故。不知依他之法是虛。卽妄執以爲實事。是故雖無異體相生。而虛實有殊。故言分別性法也。

衆似識現時。卽與似塵俱起。仍是依他性也。不知虛妄相。妄執爲實。乃名分別性法。又爲依他種子。於彼依他不了。復成分別。如是展轉無有窮盡。所謂惑業苦三。如惡叉聚者也。妄執是惑。惑必起業。所成依他卽是三界苦報。於苦不了。又成惑業。所以更

互相生也。問答釋疑可知。別明竟。

(辛)二合辨三。初約一心辨。二約依他辨。三釋六識
疑。(壬)今初

更有一義以明三性。就心體平等名真實性。心體爲染淨所繫。依隨染淨二法。名依他性。所現虛相果報名分別性。

心體聖凡平等約聖即無垢淨心。約凡即有垢淨心也。心爲染淨所繫。依隨淨法即清淨依他性。依隨染法即染濁依他性也。虛相果報有十界差別。

四聖即清淨分別性。六凡即染濁分別性。或佛界爲清淨。九界皆染濁也。此意稍細於前。以虛相即名分別。不惟執實爲分別故。

(癸)二約依他辨

又復更有一義就依他性中。即分別爲三性。一者淨分。謂在染之真。即名真實性。二者不淨分。謂染法習氣種子及虛相果報。即是分別性。二性和合無二。即是依他性也。

繇真如不守自性。不覺念起而有無明。生滅與不

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

生滅和合而成阿梨耶識。則舉凡一切衆生。無不現在依他性中。故卽就依他性分別三性也。文義可知。

㊂三釋六識疑

問曰。似識妄分別時。爲是意識總能分別六塵。爲六識各各自分別一塵。答曰。五識見塵時。各與意識俱時而起。如眼識見似色時。卽是一意識俱時分別妄執也。餘識亦如是。是故意識總能分別妄執六塵。五識但能得五塵。不生分別妄執。問曰。妄執五塵爲實

者。爲是五意識爲是第六意識。答曰。大乘中不明五意識與第六別。但能分別者悉名意識。

兩番問答。皆明意識能起分別妄執也。以前五識但緣現量。不能生分別故。以大乘家。但立同時意識。不立五意識故。故知現前一念不善用之。則爲分別之本。善用之。則爲無塵之智。可謂生死涅槃更非他物矣。

㊂三結

上來是明第二止觀所觀境界竟。

卷三

大乘止觀釋要三

或問。此立三性爲所觀境。與摩訶止觀廣立十境同耶。異耶。答曰。摩訶止觀初觀識陰。識陰卽分別性也。識非實我實法。但依種子熏習力故。有似識現。亦卽依他性也。觀此識陰。卽空假中。不可思議。卽真實性。後之九境。待發方觀。不發不觀。當其發時。若計爲實。卽是分別。若不計實。皆是依他。若達卽中。皆是真實也。兩教二乘。三教菩薩。若計爲實。並是淨分分別性。不計爲實。卽淨分依他。餘可知。

大乘止觀法門釋要卷第三

大乘止觀法門釋要卷第四

明 古吳沙門智旭述

(戊) 三明止觀體狀三。初總標。二別解。三總結。

(己) 今初

次明第三止觀體狀。就中復有二。番明義。一就染濁三性以明止觀體狀。二就清淨三性以明止觀體狀。體狀猶言相貌。乃正示下手功夫之方法也。

(乙) 二別解。二初約染濁三性。二約清淨三性。

(庚) 初中三。初分科。二各釋。三通簡。

(辛) 今初

初就染濁三性中復作三門分別。一依分別性以明二約依他性以顯三對真實性以示。

(辛)二各釋三初約分別性。二約依他性。三約真實性。(壬)初中二初從觀入止。二從止復觀。

(癸)初又二初明觀。二明止。(子)今初對分別性以明止觀體狀者先從觀入止所言觀者當觀五陰及外六塵隨一一法悉作是念我今所見此法謂爲實有形質堅礙本來如是者但是意識有果時無明故不知此法是虛以不知法是虛故卽起

妄想執以爲實是故今時意裏確然將作實事復當念言無始已來由執實故於一切境界起貪瞋癡造種種業招生感死莫能自出作此解者卽名觀門。五陰六塵本是依他起性似有非實妄想執實乃是分別性也繇分別故起惑造業招生死苦知其過患卽名觀門以是出世初方便故。

(寅)二明止

作此觀已復作此念我今旣知由無明妄想非實謂實故流轉生死今復云何仍欲信此癡妄之心是故

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

達之彊觀諸法。唯是心相虛狀無實。猶如小兒愛鏡中像。謂是實人。然此鏡像體性無實。但由小兒心自謂實。謂實之時。卽無實也。我今亦爾。以迷妄故。非實。謂實設使意裏確然執爲實時。卽是無實。猶如想心所見境界。無有實事也。復當觀此能觀之心。亦無實念。但以癡妄。謂有實念。道理卽無實也。如是次第以後。念破前念。猶如夢中所有憶念思量之心。無有實念也。作此解。故執心止息。卽名從觀入止也。

此中具有兩重觀察。先彊觀諸法。惟是心相以破

實有境執。次復觀此能觀之心。亦無實念。以破實有心執。二種實執既破。卽名從觀入止也。毘舍浮佛偈云。假借四大以爲身心。本無生因境有。正是此意。蓋衆生無始以來。妄認四大爲自身。相妄認六塵緣影爲自心相。儻不以四大觀身。四蘊觀心。則實執何繇可破。實執不破。生死浩然。故大小兩乘。通以此觀。此止爲下手之處。但達依止一心而修。卽名大乘止觀。不達依止一心而修。乃成小乘止觀耳。夫彊觀諸法無實。復觀能觀無念。一往似

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

大乘上觀科要四

屬從假入空。然了達色心本空。非滅故空。亦是卽隨緣而觀不變。如觀波卽水波無波相。則非復空明矣。言次第以後念破前念者。先以能觀破諸法。後復以觀破能觀。重重推破。不令一念稍執實故。然不可計前念爲所觀。後念爲能觀也。以後念起時。前念已滅。不得成所觀境。但借前念之本虛。以知後念之非有。仍是前念爲能觀。後念爲所觀。繇能觀故。令於所觀不起實執。四運推簡。正吉如此。若執重者。一一運中。仍須四性簡責。知其無生無死。

滅方成唯心識觀之門。

(癸)二從止復觀

復有知諸法無實故。反觀本自謂爲實時。但是無明妄想卽名從止起觀。若從此止徑入依他性觀者。卽名從止入觀。

復局焰俗。名爲從止起觀。以卽分別性爲境。故轉入依他性觀。名爲從止入觀。以境智俱增進故。

(主)二約依他性二。初從觀入止二。從止復觀。

(癸)初中二。初明觀二。明止。(子)今初

次明依他性中止觀體狀者。亦先從觀入止。所言觀者。謂因前分別性中止行。知法無實故。此中卽解一切五陰六塵。隨一一法悉皆心作。但有虛相。猶如想心所見。似有境界。其體是虛。作此解者。卽名爲觀。

一切五陰六塵。皆屬因緣所生。正是依他性也。解其悉皆心作。所謂本如來藏。言但有虛相等。一往似屬從空入假。然了達似有非有。全體作相。所謂不變隨緣。則非偏假明矣。

④二明止

作此觀已。復作是念。此等虛法。但以無明妄想妄業熏心故。心似所熏之法。顯現猶如熱病。因緣眼中自現空華。然此華體相。有卽非有。不生不滅。我今所見虛法。亦復如是。唯一心所現。有卽非有。本自無生。今卽無滅。如是緣心遣心。知相本無故。虛相之執。卽減卽名從觀入止。

緣心遣心。謂緣唯心之旨。以遣執虛相之心也。前分別性中明止。但減執實之心。今並止其謂有虛相之心。故得爲真如觀作方便也。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

大乘止觀釋要四

(癸)二從止復觀

既知諸法有卽非有。而復知不妨非有而有似有顯現。卽名從止起觀。若從此止行徑入真實性觀者。此卽名從止入觀也。

有卽非有。幻有不礙真空。非有而有。真空不礙幻有。然皆以依他性爲所觀境。但是復局昭俗。故名從止起觀。若轉入真實性觀。則境智又俱進矣。

(辛)三約真實性有四重。初一重從觀入止明無性。第二重從觀入止明無真性。第三重止觀明

根本真如三昧。第四重止觀明雙現前。

(癸)合

初

次明第三真實性中止觀體狀者。亦先從觀入止。所言觀者。因前依他性中止行。知一切法有卽非有。故所以此中卽知一切法本來唯心。心外無法。復作是念。旣言心外無法。唯有一心。此心之相荷者是也。爲無前二性。故卽將此無以爲心耶。爲異彼無外。別有淨心耶。作此念時。卽名爲觀。卽復念言。無是無法。對有而生。有尚本來不有何有。無法以爲淨心。又復無

法爲四句攝淨心卽離四句何得以此無法爲淨心也作此念時執無之心卽滅則名爲止。

文中先明觀次明止先明觀中旣知法本唯心則離分別依他二相然不得將此二相之無以爲心相譬如不將無免以爲手中以淨心本性自肴故也次明止中雙遮有無圓離四句以滅執無之心所謂止息根本無明停止中道實證以其除妄空故名無性性當知非但中也。

(參)第二重從觀入止明無真性

又從此止更入觀門觀於淨心作如是念二性之無旣非是心者更有何法以爲淨心又復此心爲可見耶爲不可見耶爲可念耶爲不可念耶作此分別時卽名爲觀卽復念言心外無法何有能見此心者何有能念此心者若更緣念此心卽成境界卽有能緣所緣卽是心外有智能觀此心何名爲如又復我覓心之心體唯是淨心何有異法可緣可念也但以妄想習氣故自生分別分別之相有卽非有體唯淨心又復設使分別卽知正是淨心分別也喻如眼見空

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

增補正觀釋要四

華聞言華是眼作有卽非有。唯有自眼聞此語已知華本無不著於華。反更開眼自覓已眼竟不能見。復謂種種眼根是已家眼。何以故。以不知能覓之眼。卽是所覓眼故。若能知華本無。眼外無法。唯有自眼不須更覓於眼者。卽不以眼覓眼。行者亦爾。聞言心外無法。唯有一心故。即使不念外法。但以妄想習氣故更生分別。覓於淨心。是故當知能覓淨心者。卽是淨心。設使應生分別。亦即是淨心。而淨心之體常無分別。作此解者。名爲隨順真如。亦得名爲止門。

文中亦先明觀。次明止。先明觀中。祇是簡責以破異執。次明止中。有法有喻。有合法中能覓。卽是所覓。舉所成能全能卽所。所既卽能。何可緣念。喻中以眼喻真實性。華喻依他及分別性。旣知華是眼。作何可更覓於眼。合中以不更覓心。卽是安心已竟。名爲隨順真如。以其異執永息。了知本寂。名無真性。不於二性之外別覓真也。

(參)第三重止觀。明根本真如三昧。

久久修習。無明妄想習氣盡故。念卽自息。名證真如。

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

大乘止觀釋要四

亦無異法來證。但如息波入水。卽名此真如爲大寂靜止門。復以發心已來觀門方便。及以悲願熏習力故。卽於定中興起大用。或從定起。若念若見若心若境種種差別。卽是真如用義也。此名從止起觀。

從圓初住。名爲隨順真如。歷盡四十一位。名爲久久熏習。初成妙覺所證根本實智。名爲大寂靜止門。所起後得智。盡未來際。當然大用之門。名爲從止起觀也。又圓十信。亦得名爲隨順真如。初住已上。亦得名爲分證真如。分成就此止觀二門。具如

下文斷得中辨

卷第四重止觀明雙現前

又復熾然分別而常體寂。雖常體寂而卽緣起分別。此名止觀雙行。

此躡上真如大寂靜止門。及真如用義而明其非異時也。此雙行平等止觀局。惟佛果。通約性修。何以言之。二乘之人。定多慧少。不見佛性。菩薩之人。慧多定少。雖見佛性。而不了了。乃至等覺菩薩。見於佛性。猶如隔羅望月。故知局惟佛果也。然諸衆

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

生雖緣迷理迷事二種無明熾然分別而體本常寂卽於常寂體中具足一切緣起分別是謂理卽雙行若從知識及經卷聞此心性寂用之理能解能知是謂名字雙行從此念念體其本寂善能分別緣起是謂觀行雙行能體寂故隨順奢摩他道能分別故隨順毘婆舍那是謂相似雙行止行現前名首楞嚴三昧觀行現前名摩訶般若是謂分證雙行習氣盡故法界一相大用顯故徧示三輪是謂究竟雙行妙明明妙寂照照寂從始至終固

非性德理卽位中名爲逆修名字已去悉名順修順逆雖殊在性則一故悟性者方成妙修得此第四止觀雙行意已方知前約二性所修止觀及真實性中前三番止觀法爾亦是一一雙行但明珠有殊致使淺深差別耳約染濁三性中分科并各釋竟

(辛)三通簡三初正簡示一約幻喻三約夢喻

(壬)初中四初簡止觀功能一簡四重深義三簡修有次第四簡妄執須除

(癸)今初

上來三番明止觀二門。當知觀門卽能成立三性緣起爲有止門。卽能除滅三性。得入三無性者。謂除分別性。入無相性。除依他性。入無生性。除真實性。入無性性。

觀門成立三性緣起者。謂觀五陰六塵等法本虛但是妄想執實。卽能成立分別性緣起。以知諸法惟分別性無實法故。次觀五陰六塵等法悉皆心作。其體是虛。卽能成立依他性緣起。以知諸法悉依他起。但虛相故。次觀一切諸法本來惟心心外。

無法不將二無以爲心相。卽能成立真實性緣起。以知諸法有卽非有。唯淨心故。止門除滅三性入三無性者。謂彌觀諸法唯是心相虛狀無實復觀能觀之心亦無實念。繇此執心止息。故名除分別性入無相性。次觀虛法唯心所現。有卽非有。無生無滅。繇此虛相執滅。故名除依他性入無生性。次觀淨心圓離四句。不屬有無。亦非可緣可念。故名除真實性入無性性也。

就真實性中。所以有四番明止觀者。但此窮深之處。微妙難知。是故前示妄空非實。除妄空以明止。即是無性性。次一顯卽僞是真。息異執以辨寂。卽是無真性。是故無性性或名無無性。或云無真性也。第三一重止觀者。卽是根本真如三昧。最後第四一重止觀者。卽是雙現前也。

何有無法以爲淨心。故云示妄空非實。執無之心卽滅。故云除妄空以明止。設使分別。正是淨心分別。故云顯卽僞是真。何有異法可緣可念。故云自

異執以辨寂。餘如上釋可知。

(癸)二簡修有次第

又復行者。若利機深識。則不須從第一分別性修。但徑依第二依他性修。此依他性亦得名分別性。以具有二性義也。若不能如是者。卽須次第從第一性修。然後依第二性修。依次而進也。終不得越前二性。徑依第三性修也。又復雖是初行。不妨念念之中三番並學。資成第三番也。去以此本意之想不勝更長此利機謂智慧敏利。深識謂識見深遠。利則觸著。便

知深則不泥情執。蓋已先知一切唯心諸法無實。故可徑觀本虛之法。以此本虛之法不執便是依他執乃妄成分別。元非二體二相。又虛妄果報亦卽名爲分別性法故也。若不能了達境虛。卽須如前次第修習。此易可知。然縱令極利根機亦不得徑觀真實性法。以衆生無始以來。全墮依他性中。離依他性無真實性。如離流無水。設使徑觀真實真實反是分別。譬如捨流覺水非真水故。圓覺經云。未證無爲而辨圓覺。彼圓覺性卽同流轉。此之

謂也。但能諦觀分別及依他性。任運自得證真實性。如觸波流全觸於水。智者大師的指現前一念識心爲所觀境。識心豈非依他性耶。觀此卽是不思議境。旣不思議。豈非真實性耶。若不立事境單言理觀。極得意者。祇是清淨真如。其在初心多屬惡取邪執。可不慎哉。又復應知。所以觀分別者。欲了分別無性以入依他觀。依他者欲了依他無性而證真實。是則前二以爲方便。正欲資成第三番耳。若約大途則分別性中止觀。一往從假入空。依

他性中止觀。一往從空入假。真實性中止觀。正顯中道妙定妙慧。然圓人初行三止三觀。具在一心。中修故。不妨於念念中三番並學。從觀行三番。入相似三番。從相似三番入分證三番。從分證三番入究竟三番。至於究竟。雖不妨仍說三性及三無性。而究竟統惟真實性矣。

(癸) 四簡妄執須除

問曰。旣言真實性法。有何可除。若可除者。卽非真實。答曰。執二無以爲真實性者。卽須除之。故曰無無性。

妄智分別淨心。謂爲可觀者。亦須息此分別異相。示其無別真性。可得分別。故言無真性。但除此等於真性上。橫執之真。非謂除滅真如之體。實皆本更起妄。正簡示竟。

(壬) 二約幻喻三。初標章。二正說。三例結。文癸

今初

復更有譬喻能顯三性止觀二門。今當說之。

(癸) 二正說三。初喻觀門。二喻止門。三止觀合辨。

卷子今初對其六種計也。觀門無隱。止門無實。卷思

譬如手巾。本來無免。真實性法。亦復如是。唯一淨心。

自性離相也。加以幻力。巾似免現。依他性法亦復如是。妄熏真性。現六道相也。愚小無知。謂免爲實。分別性法。亦復如是。意識迷妄。執虛爲實。是故經言一切法如幻此喻三性觀門也。

此喻卽同前文約一心辨三性之義也。文並可知。子二喻三無性止門

若知此免依巾似有。唯虛無實。無相性智亦復如是。除別性能知諸法依心似有。唯是虛狀。無實相性也。若知虛免之相。唯是手巾。巾上之免。有卽非有。本來不無性止門也。

生無生性智亦復如是。除依他性能知虛相。唯是真心。心所現相。有卽非有。自性無生也。若知手巾本來是有。不將無免以爲手巾。無性性智亦復如是。除真實性能知淨心本性自有。不以二性之無爲真實性。此卽喻三無性止門也。

子三止觀合辨

是故若欲捨離世諦。當修止門。入三無性。若欲不壞緣起。建立世諦。當修觀門。解知三性。若不修觀門。卽不知世諦。所以緣起。若不修止門。卽不知真諦。所以

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

常寂。若不修觀門。便不知真即是俗。若不修止門。即不知俗即是真。以是義故。須依幻喻通達三性三無性。

世諦謂十界假名差別建立。事造三千也。真諦謂因緣生法空假即中。理具三千也。真則三諦俱真。俗則三諦俱俗。真即是俗。俗即是真。良繇非真非俗。所以雙照真俗。則三諦俱中。幻喻若此。餘皆可知。二正說幻喻竟。

(卷) 三例結

如幻喻能通達三性三無性。其餘夢化影像水月。陽餒乾城。餓鬼等喻。但是依實起虛。執虛爲實者。悉喻三性類以可知。若直以此等諸喻依實起虛。故偏喻依他性亦得也。但虛體是實。即可喻真實性。虛隨執轉。即可喻分別性。是故此等諸喻。通譬三性。解此喻法次第無相。即可喻三無性也。

文中先例結次。若直以此等下。又將諸喻喻前文。約依他辨三性之義也。例結中。所依之實。喻真實性。所起之虛。喻依他性。執虛爲實。喻分別性。三性

80 1 2 3 4 5 6 7 8 9 100 1 2 3 4 5 6 7 8 9

既爾三無性義例此可知。次文中虛體是實。以喻在染之真。所謂淨分。虛隨執轉。以喻習氣種子及虛相果報所謂染分也。

③三約夢喻

又更分別夢喻。以顯三性三無性。譬如凡夫慣習諸法故。卽於夢中心現諸法。依他性法亦復如是。由無始已來。果時無明及以妄想熏習真實性故。真心依熏現於虛相果報也。彼夢裏人爲睡蓋所覆故。不能自知。已身他身皆是夢心所作。卽便執爲實事。是故

夢裏自他種種受用得成。分別性法亦復如是。意識爲果時無明所迷故。不知自他咸是真心依熏所作。便卽妄執爲實。是故自他種種受用得成。也是以經言。是身如夢。爲虛妄見。虛者卽是依他性。妄者卽是分別性。此卽緣起三性爲觀門也。然此夢中所執爲實者。但是夢心之相。本無有實。分別性法亦復如是。但是虛想從心所起。本來無實。卽是無相性也。又彼夢中虛相。有卽非有。唯是夢心更無餘法。依他性法亦復如是。自他虛相。有卽非有。唯是本識更無餘法。

即是無生性也。又彼夢心。即是本時覺心。但由睡眠因緣故。名爲夢心。夢心之外。無別覺心可得。真實性法。亦復如是。平等無二。但以無明染法熏習。因緣故。與染和合。名爲本識。然實本識之外。無別真心可得。即是無生性法。此卽除滅三性爲止門也。以是喻故。三性三無性。即可顯了。此明止觀體狀中。約染濁三性。以明止觀體狀竟。

上已通舉夢等八喻。例如幻喻可知。今更分別欲令止觀轉明故也。先喻三性中不言真實性者。卽

指能夢之心爲真實性也。依此起於夢中所見諸法。名依他性。夢中妄執爲實。名分別性。三界無別法。惟是一心作不了惟心。妄計我法深觀此喻。寧不冷然者哉。三止門喻在文可知。

(庚)二約清淨三性三初分科二各釋三通簡

(辛)今初

次明清淨三性中止觀體狀。就中亦有三番。一明分別性中止觀體狀。二明依他性中止觀體狀。三明真實性中止觀體狀。

80 1 2 3 4 5 6 7 8 9 10 1 2 3 4 5 6 7 8 9

(辛)二各釋三初約分別性。二約依他性。三約真實性。

(壬)今初

第一分別性中止觀體狀者。謂知一切諸佛菩薩所
有色身及以音聲。大悲大願。依報衆具。殊形六道變
化施設。乃至金軀現滅。舍利分頌。泥木雕圖。表彰處
所。及以經教威儀住持等法。但能利益衆生者。當知
皆由大悲大願之熏及以衆生機感之力。因緣具足。
熏淨心故。心性依熏顯現斯事。是故唯是真性緣起
之能道理。卽無實也。但諸衆生有無明妄想故。曲見

不虛行者。但能觀察知此曲見執心。是無明妄想者。
卽名爲觀。以知此見是迷妄故。強作心意觀知無實。
唯是自心所作。如是知故實執止息。卽名爲止。此是
分別性中從觀入止也。

先觀後止。文並可知。住持三寶。一切佛事。本皆真
性緣起之能。真性卽清淨真實性。緣起卽清淨依
他性也。但繇衆生不了。妄計爲實。故名爲分別性
耳。既是無明妄想分別。復名爲清淨者。以所緣境
是從大悲大願出生能與衆生作增上緣。縱令不

了唯心。亦不增長結業故也。然欲入大乘門。必須

強作心意觀知無實。否則心外計法。永違出要矣。

(五)二約依他性

第二依他性中止觀門者。謂因前止門故。此中卽知諸佛淨德。唯心所作虛權之相也。以不無虛相緣起故。故得淨用圓顯。示酬曠劫之熏。因卽復對緣攝化故。故得澤霑細草。表起無邊之感力。斯乃淨心緣起寂而常用者哉。作此解者。名爲觀門。依此觀門作方便故。能知淨心所起。自利利他之德。有卽非有用。而

常寂。如此解者。名爲止門。此止及觀應當雙行。前後行之亦得。

利根者可以雙行。鈍根者前後亦得。義並可知。

(六)三約真實性

次明真實性中止觀門者。謂因前止行故。卽知諸佛淨德。唯是一心。卽名爲觀。復知諸佛淨心是衆生淨心。衆生淨心是諸佛淨心。無二無別。以無別故。卽不心外觀佛淨心。以不心外覓佛心故。分別自滅。妄心既息。復知我心佛心本來一如。故名爲止。此名真實。

大乘上觀釋要四

性中止觀門也

義亦可知。或問此與上文染濁三性止觀爲先後修耶。俱時修耶。有次第耶。不次第耶。須具修耶。不須具修耶。答曰亦有先後亦可俱時亦次第亦不次第亦具修亦不具修何以言之前約染濁三性修正觀是觀身實相念自佛三昧也後約清淨三性修正觀是觀佛實相念他佛三昧也若惟念自佛則不須具修後三止觀以染濁真實性中止行若成習氣既盡體證真如自於清淨三性三無性

法能通達故若惟念他佛則不須更修前三止觀以清淨真實性中止行若成我心佛心平等一如不於染濁三性三無性法更生迷故復次清淨分別性中止觀即是約唯心念應化佛清淨依他性中止觀即是約唯心念法門佛清淨真實性中止觀即是約唯心念實相佛亦可各自他俱念不惟念他佛也若泛論雙念自他佛者則須具修二種三性止觀法門於中復有先後俱時次及不次四義言先後者先約染濁分別性修次約清淨分別

性修然後染依他淨依他染真實淨真實。一一次第修之不得越次也。言俱時者具約十界分別性修次約十界依他性修次約十界真實性修則染淨俱時無先後也。言次第者如下斷得中辨言不次者上云念念之中三番並學亦可例云染淨齊觀又如下文所云位位俱行三止也故知圓融行布橫豎包羅頓漸俱收利鈍悉被法門之妙無以加矣。

辛三通簡六初簡寂用之相二簡生佛之名三簡

同異之義四簡自他修益五簡佛德實虛六簡常住生滅

壬初中一初約以修顯性二約稱性起修癸今初

上來清淨三性中初第一性中從觀入止復從此止行入第二性中觀復從此觀入止復從此止入第三性中觀復從此觀入止故得我心佛心平等一如卽是一轍入修滿足復以大悲方便發心已來熏習心故卽於定中起用繁興無事而不作無相而不爲法界大用無障無礙卽名出修也用時寂寂時用卽是

80 1 2 3 4 5 6 7 8 9 100 1 2 3 4 5 6 7 8 9

雙現前也。

一轍入修滿足。謂念佛三昧。始從應化。終至法身。托外義成。唯心觀立。是心作佛。是心是佛。自性究竟圓顯也。此爲根本智。大寂靜止門。復以大悲方便熏習力故。大用繁興。即是差別智。法界當然大用之門。用寂寂用。說有先後。體無先後。故名雙現前也。

(癸)二約稱性起修

乃至卽時。凡夫亦得作如是寂用。雙修此義云何。謂

知一切法。有卽非有。卽是用時常寂。非有而有。不無似法。卽名寂時常用。是故色卽是空。非色滅空也。色卽是空。有卽非有。法界法爾本性寂義也。非色滅空。不無似法。法界法爾本性用義也。繇此性具寂用。本自不前不後。故炤性成修。始從名字。終於究竟。無時不雙現前。何俟成佛之後。方名雙現前哉。

(壬)二簡生佛之名。

問曰。旣言佛心衆生心無二無別。云何說有佛與衆

生之異名。答曰。心體是同。復有無障礙別性。以有飄性故。得受無始已來我執熏習。以有熏力別故。心性依熏現有別相。以約此我執之相。故說佛與衆生二名之異也。

同不障別。別不礙同。故名無障礙別性。餘可知。

(五)三簡同異之義

問曰。諸佛既離我執。云何得有十方三世佛別也。答曰。若離我執。證得心體平等之時。實無十方三世之異。但本在因地未離執時。各別發願各修淨土。各化

衆生。如是等業。差別不同。重於淨心。心性依別熏之力。故現此十方三世諸佛依正二報相別。非謂真如之體。有此差別之相。以是義故。一切諸佛常同常別。古今法爾。是故經言。文殊法常爾。法王唯一法。一切無礙人。一道出生死。一切諸佛身。唯是一法身。此卽同異雙論。若一向唯同無別者。何故經言一切諸佛身。一切無礙人。若一向唯別不同者。何故經言唯是一法身。一道出生死。以是義故。真心雖復平等。而復具有差別之性。若解明鏡。一質卽具衆像之性者。則

不迷法界法門。

大乘止觀釋要四

(五)四簡自他修益又二。初明益。二釋疑。

(癸)今初

問曰。真心有差別性故。佛及衆生各異不同。真心體無二故。一切凡聖唯一法身者。亦應有別性故。他修我不修。體是一故。他修我得道。答曰。有別義故。他修我不修。體是一故。修不修平等。雖然。若解此體同之義者。他所修德亦有益已之能。是故經言。菩薩若知諸佛所有功德。即是已功德者。是爲奇特之法。又復經言。與一切菩薩同一善根藏。是故行者。當知諸佛

菩薩。二乘聖人。凡夫天人等所作功德。皆是已之功德。是故應當隨喜。

答中先以修不修平等明體是一。所以破其他修我得之執。次復勸修隨喜功德。若能於凡聖功德深生隨喜。則他修我得之義亦成。蓋能解體同。卽是妙慧。念念隨喜。破嫉妒障。即是妙行。慧行兩具。卽非一向倚他覓道者矣。

(癸)二釋疑

問曰。若爾。一切凡夫皆應自然得道。答曰。若此真心

唯有同義者。可不須修行藉他得道。又亦卽無自他身相之別。真如旣復有異性義故得有自他之殊者。寧須一向倚他覓道。但可自修功德。復知他之所修卽是已德。故迭相助成。乃能殊勝速疾得道。何得全倚他也。又復須知。若但自修。不知他之所修。卽是已有者。復不得他益。卽如窮子不知父是已父。財是已財。故二十餘年受貧窮苦。止宿草庵。則其義也。是故藉因託緣。速得成辦。若但獨求。不假他者。止可但得除糞之價。

答中先明不得全倚他修。次明必須知他卽已。文義可知。然此自他修益。須約四句。一者惟求於自。不假於他。則成二乘。以不達自他同體故。二者惟倚於他。不求於自。則成人天。亦不知自他同體故。三者自旣不修。亦不求他。則常在三塗。以因緣俱沒故。四者知他卽自。深生隨喜。則速成佛道。以藉因託緣故。

(王)五簡佛德實虛。又二初示德相。二簡實虛。

(癸)今初

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

丹霞山觀經要四

問曰。上言諸佛淨德者有幾種。答曰。略言有其二種。一者自利。二者利他。自利之中。復有三種。一者法身。二者報身。三者淨土。利他之中。復有二種。一者順化。二者違化。順化之中。有其二種。一者應身及摩訶摩化身。二者淨土及雜染土。此是諸佛淨德。

法報二身。約能依言淨土。約所依言理實能所不二。爲令衆生得四益故。分別言之。法身者。所顯自性清淨理體也。報身者。所成一心三智四智及常樂我淨無量功德法聚也。淨土者。所依理智功德。

之性。卽是三德秘藏也。順化現佛身。違化現雜趣身。應身有勝有劣。勝依淨土。劣依雜染。摩訶摩。亦云摩奴末那。此翻意生身。又翻意成身也。

(癸)二簡實虛又二。初約修正簡。二約性例簡。

(子)今初

問曰。利他之德。對緣施設。權現巧便。可言無實。唯是虛相。有卽非有。自利之德。卽是法報二身。圓覺大智。顯理而成。常樂我淨。云何說言有卽非有。答曰。自利之德。實是常樂我淨。不遷不變。正以顯理而成故。故

得如是復正以顯理而成故。卽是心性緣起之用。然用無別用。用全是心。心無別心。心全是用。是故以體體用。有卽非有。唯是一心而不廢常用。以用用體。非有卽有。熾然法界。而不妨常寂。寂卽是用。名爲觀門。用卽是寂。名爲止行。此卽一體雙行。但爲令學者泯相入寂故。所以先後別說止觀之異。非謂佛德有其遷變。

顯理而成則全體是理。故得名有。復以顯理而成則成無別成。元只是理。故卽非有也。但衆生無始遷變。

以來。孰有情重。今欲令學者泯相入寂。故先說止後說觀耳。本自一體雙行。何嘗有遷變哉。

(丁)二約性例簡

又復色卽是空。名之爲止。空非滅色。目之爲觀。世法尚爾。何况佛德而不得常用常寂者哉。

世間色法。尚自卽止卽觀。法爾性具寂用之理。何況佛德。乃稱性成修。全修顯性者。豈令寂用有異體哉。約寂則有而非有。約用則非有而有。夫復何疑。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

(五)六簡常住生滅

問曰。佛德有卽非有。不妨常住者。衆生亦有卽非有。應不妨不滅。答曰。佛德卽理顯以成順用故。所以常住。衆生卽理隱以成違用故。所以生滅。常住之德。雖有卽非有。而復非有而有。故不妨常住。生滅之用。亦雖有卽非有。而復非有而有。故不妨生滅也。此約清淨三性以明止觀體狀竟。

止觀體狀中總標及別釋竟。

(己)三總結。

第三番體狀竟也。

或問。此止觀體狀與十乘觀法爲同爲異。答曰。十乘觀法兼被三根。今此法門爲上根說。故云。上根惟用一。中根二之七。下根具用十。夫卽分別性而入依他。卽依他性而入真實。卽三性而入三無性。卽三無性而不壞三性緣起。正所謂第一觀不思議境也。雖不具明餘之九法。而一法中卽具十法。何以言之。最初文云。善哉佛子。乃能發是無上之心。豈非真正發菩提心。番番止觀。豈非善巧安心。

三性無性。豈非破法皆徧。止能知俗卽真。觀能知真卽俗。豈非善識通塞。又三性止觀。卽是無作四念處慧。從此滅二世惡。生二世善。出生神足根力覺道。豈非道品調適。下文歷事止觀。豈非對治助開。除障得益。差別不同。豈非次位。彊心修之。豈非安忍。佛果爲期。豈非離似道愛也。

(戊)四明止觀斷得三。初標科。二各釋。三總辨。

(己)今初

次明第四止觀除障得益。就中復有三門分別。一約

分別性以明除障得益。二約依他性以明除障得益。三約真實性以明除障得益。

(乙)二各釋三。初約分別性。至三約真實性。 (庚)初

中二。初明觀行斷得。二明止行斷得。

(辛)初又

三。初正明。二喻顯。三法合。

(壬)今初

初明分別性中所除障者。謂能解不知境虛執實之心。是無明妄想故。即是觀行成。以觀成故。能除無明妄想上迷妄。何謂迷妄之上迷妄。謂不知迷妄是迷妄。即是迷也。以此迷故。卽執爲非迷。復是妄想。此一

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

重迷妄。因前一重上起。故名迷妄之上迷妄也。是故行者雖未能除不了境虛執實之心。但能識知此心是癡妄者。即是能除癡妄之上迷妄也。此是除障。以除障故。堪能進修止行。即是得益。

除迷妄之上迷妄。即是斷。堪修止行。即是得。此從名字初起觀行也。文並可知。

(子)二喻顯

又此迷妄之上迷妄。更以喻顯。如人迷東爲西。即是妄執。此是一重迷妄也。他人語言。汝今迷妄。謂東爲

西。此人猶作是念。我所見者。非是迷妄。以不知故。執爲非迷者。復爲妄想。此卽迷妄之上重生迷妄。此人有何過失。謂有背家浪走之過。若此人雖未醒悟。但用他語。信知此心是迷妄者。卽無迷妄之上迷妄。此人得何利益。謂雖復迷妄未醒。而得有向家之益。

(子)三法合

雖未證知諸法是虛。但能知境虛是無明。執實是妄想者。卽常不信已之所執。堪能進修止行。漸趣涅槃。若都不知此者。卽當隨流苦海。增長三毒。背失涅槃。

寂靜之舍也。此明分別性中觀行斷得之義。

能知境虛是無明。應云能知不了境虛是無明。文缺不了二字。義須補也。漸趣涅槃。合上向家之益。增長三毒。追合上浪走之過。餘可知。

①二明止行斷得

所言分別性中止行除障得益者。謂依彼觀行作方便故。能知諸法本來無實。實執止故。即是能除果時迷事無明。及以妄想也。復於貪瞋漸已微薄。雖有罪垢。不爲業繫。設受苦痛。解苦無苦。即是除障。復依此

止。卽能成就依他性中觀行故。無塵智用隨心行故。即是得益。此明分別性中止行除障得益。

除果時迷事無明。卽斷緣生中癡。及除妄想。卽總固斷三界見惑也。貪瞋漸已微薄。謂但有潤生惑。無發業惑。雖未永斷生緣。已與執實者迥然不同。堪起無塵智用矣。

②二約依他性二初明觀行斷得二明止行斷得

次明依他性中止觀斷得者。初明觀門。此觀門者。與

分別性中止門不異。而少有別義。此云何也。謂彼中止門者。必緣一切法是虛故。能遣無明。無明滅故。執實妄心卽止。然此緣虛之遣。卽此依他性中觀門。更無異法。是故彼止若成。此觀亦就。但彼由緣虛故。能滅實執。故名爲止。此卽由知無實故。便解諸法是虛因緣集起。不無心相。故名爲觀。彼以滅實破執爲宗。此以立虛緣起爲旨。故有別也。以是義故。除障義同。得益稍別。別者是何。謂依此觀方便進修。堪入依他性止門。又復分成如幻化等三昧。故言得益。此是依

他性中觀行斷得也。

減實破執。是從假入空。立虛緣起。是從空入假。故得分成如幻化等三昧也。餘可知。

辛二明止行斷得二。初正明。二料簡。甲今初中

所言依他性中止門除障得益者。謂依有觀行作方便故。能知一切虛相。唯是一心爲體。是故虛相有即非有。如此解故能滅虛相之執。故名爲止。以此止故。能除果時迷理無明及以虛相。又復無明住地漸已損薄。卽名除障。又得成就如幻化等三昧。又無生智。

用現前。復卽成就真實性中觀行。卽名得益。

諸果時迷理無明及以虛相。謂見思習氣及界內塵
表沙也。無生智用。謂道種智餘可知。

◎二科簡

問曰。觀門之中亦成就如幻化等三昧。此止門中亦
成就如幻化等三昧。有何別也。答曰。觀中分得。此中
成就。又復觀中知法緣起如幻化。此中知法緣起卽
寂亦如幻化。故有別也。此明依他性中止行除障得
益。

知法緣起如幻。但是從空入假。知法緣起卽寂如
幻。則雙遮二邊。亦得雙炤矣。

庚三約真實性二。初明觀行斷得。二明止行斷得。

辛初中二。初正明。二科簡。壬今初

次明真實性中止觀除障得益者。初明觀門。此觀門
者。初與依他性中止門無異。而少有別義。此云何也。
謂彼止門必緣一切法。唯心所作。有卽非有。體是一
心。是故得滅虛相之執。然此能知諸法唯一心之體。
卽是此中觀門更無異法。是以彼止若成。此觀卽就

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

不相離也。然彼雖緣一心，但以滅相爲宗。此中雖知虛相非有，但以立心爲旨，故有別也。是故除障義同，得益稍別。別義是何？謂依此觀作方便故，堪能勝進入止門也。滅相爲宗，是遮二邊。立心爲旨，正顯中道也。滅相爲宗，是遮二邊。立心爲旨，正顯中道也。

◎二科簡

問曰：唯心所作與？唯是一心爲一爲異。答曰：唯心所作者，謂依心起於諸法，非有而有，即是從體起相證也。唯是一心者，謂知彼所起之相有，即非有。體是一

心，即是滅相入實證也。此明真實性中觀行斷得也。從體起相，仍是幻有。滅相入實，乃歸中道矣。

○二明止行斷得

所言止行除障得益者，謂依前觀行作方便故。知彼一心之體不可分別，從本已來常自寂靜，作此解故，念動息滅，卽名爲止。以此止行能滅無明住地及妄想習氣，卽名除障。大覺現前，具足佛力，卽名得益。此明真實性中止行除障得益也。

止觀斷得中標科及各釋竟。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

(已)三總辨四初辨除障之義二辨熏心之由三辨

位地之相四結略總明。(庚)今初

問曰。除障之時爲敵對除。爲智解熏除。答曰。不得敵對相除。所以者何。以惑心在時。未有其解。解若起時。惑先已滅。前後不相見故。不得敵對相除。如是雖由一念解心起故。惑用不起。然其本識之中。惑染種子仍在未滅。故解心一念滅時。還起惑用。如是解惑念。念迭興之時。解用漸漸熏心。增益解性之力。以成解用種子。卽彼解用熏成種子之時。卽能熏彼惑染種子。分分損減。如似以香熏於臭衣。香氣分分著衣之時。臭氣分分而滅。惑種亦爾。解種分成。惑卽分滅也。以惑種分分減故。惑用漸弱。解種分分增故。解用轉彊。如是除也。非如小乘說敵對除。但有語無義。然彼小乘亦還熏除。而不知此道理也。

答中文分爲四初直明不得敵對相除。以解惑不同時故。次恐難云。旣說解時無惑。何故解者仍未斷惑盡耶。今釋之曰。以其惑種仍在。故解滅時。還起惑用也。三恐疑云。旣解惑迭興。如何得以解除

惑。今釋之曰。解用漸漸熏心。令成解種。故能損減惑種。喻如香熏臭衣也。四恐疑云。既是分分熏除。何故小乘說敵對除。彼亦能斷惑耶。今釋之曰。小乘亦是熏除。彼自不達。故妄計爲敵對除耳。解惑無敵對理。故但有語無義也。

(庚)二辨熏心之由

問曰。解熏心時爲見淨心。故得熏心爲更有所由得熏心。答曰。一切解惑之用。皆依一心而起。以是義故。解惑之用。悉不離心。以不離心故。起用之時。卽自熏

心更無所由。如似波浪之用。不離水故。波動之時。卽動水體。是以前波之動。動於水故。更起後波也。解惑之熏。亦復如是。類此可知。

解熏心時。亦非見於淨心。亦非更有所由。以淨心非可見相故。以心外更無他法可由故。但解惑皆具依心起。還熏於心。譬如依水起波。還動於水耳。

(庚)三辨位地之相

問曰。此三性止觀。爲有位地。爲無位地。答曰。不定。若就一相而言。十解分別性中止行成。十迴向。依他性

80 1 2 3 4 5 6 7 8 9 100 1 2 3 4 5 6 7 8 9

中止行成佛果滿足真實性中止行成若更一解。地前分別性中止行成地上依他性中止行成佛果真實性中止行成又復地前隨分具三性止行。地上亦具三性止行。佛地三性止行究竟滿足。又復位位行行俱行三止。即時凡夫始發心者亦俱行三性止行。但明昧有殊託法無別也。

以三性止觀對菩薩位地有豎有橫有收有簡故不定也。初就一相而言即約豎論十解謂別十住以永斷見思惑故。十廻向謂別十向亦圓十信以

永斷塵沙兼伏無明惑故。佛果謂別地圓住皆名分證佛果至究竟位。名爲滿足。以永斷無明惑故。次更一解者豎而兼橫。地前爲緣修。故染淨二種分別性止行成。地上爲真修。故染淨二種依他性止行成。佛果爲溝證。故染淨二種真實性止行成。次又復地前等橫而兼豎。蓋只依他一性。便具三性。所以修止觀者亦必通修。但地前名隨分具。以前無明伏而未斷故。地上名具。以三惑俱斷三德現前故。佛地名究竟滿足以分別止行究竟滿足成。

80 1 2 3 4 5 6 7 8 9 90 1 2 3 4 5 6 7 8 9 100

應身解脫德。依他止行究竟滿足。成報身般若德。真實止行究竟滿足。成如如法身德故。次又復位等。非豎非橫。亦橫亦豎。初從名字位中了知。現前一念分爾之心。及十界十如權實諸法。隨見有一法當情悉是分別性法。此法當體無實。即是依他性法。依他亦復無性。但是法界實相。卽爲真實性法。故始發心時。便得俱行三止。但觀行位中尚昧。相似位中則明。相似位中尚昧。分證位中愈明。分證位中猶帶昧相。究竟位中方爲極明。然從始

至終。無不以三性法爲所觀境。故言托法無別也。

(庚)四結略總明

又復總明三性止觀除障得益。謂三性止行成故。離凡夫行三性觀行成故。離聲聞行。此名除障。三性止行成故。得寂滅樂。爲自利。三性觀行成故。緣起作用。爲利他。此爲得益。斯辨第四止觀斷得竟。

或問止成離凡夫行。祇是入空意耳。觀成離聲聞行。祇是出假意耳。蓋在通別之間。而釋爲圓頓。不太甚乎。答曰。若但約染濁分別性論止觀者。可得

80 1 2 3 4 5 6 7 8 9 90 1 2 3 4 5 6 7 8 9 100

但是通教若但約分別依他二性論止觀者可得
是別接通若但約染濁三性次第論止觀者可得
但是別教今既具約染淨二種三性又具論次與
不次二種修法又一一性中皆是先觀後止不是
先止後觀又卽時凡夫亦得雙修正觀安得非圓
頓耶須知凡夫聲聞皆有界內界外之殊分段生
死界內凡夫行也變易生死界外凡夫行也滯於
但空界內聲聞行也滯於但中界外聲聞行也是
故經云有聲聞乘聲聞有聲聞乘緣覺有聲聞乘

菩薩有緣覺乘聲聞有緣覺乘緣覺有緣覺乘菩
薩有菩薩乘聲聞有菩薩乘緣覺有菩薩乘菩薩
智者大師釋之謂初三卽藏教三乘次三卽通教
三乘次三卽別教地前及地上也今之行人初心
便行三止三觀便離凡夫及聲聞行所謂圓五品
位圓伏五住煩惱雖是肉眼卽名佛眼已超別教
十迴向矣須知上文四番約位正意祇在第四非
橫非豎論橫豎耳

(戊)五明止觀作用三初正明二偈頌三結 (己)初

80 1 2 3 4 5 6 7 8 9 90 1 2 3 4 5 6 7 8 9 100

大乘止觀釋要四

中三初備顯作用。二重明所依。三再示方便。

(庚)初又四。初尅證全體大用作用。二明雙遮雙焰作用。三明離過具德作用。四明融卽離微作用。

(辛)今初

次明第五止觀作用者。謂止行成故。體證淨心。理融無二之性。與諸衆生圓同一相之身。三寶於是混爾無三。二諦自斯莽然不二。怡兮凝湛淵渟。恬然澄明。內寂用無用。相動無動相蓋。以一切法本來平等故。心性法爾故。此則甚深法性之體也。謂觀行成故。淨

心體顯。法界無礙之用。自然出生一切染淨之能。興大供具。滿無邊刹。奉獻三寶。惠施四生。及以吸風藏火。放光動地。引短促長。合多離一。殊形六道。分響十方。五通示現。三輪顯化。乃至上生色界之頂。下居兜率之天。託影於智幻之門。通靈於方便之道。揮二手以表獨尊。蹈七步而彰唯極。端坐瓊臺。思惟寶樹。高耀普眼於六天之宮。偏轉圓音於十方之國。蓮華藏海。帝網以開張。娑婆襍土。星羅而布列。乃使同形異見。一唱殊聞。外色衆彰。珠光亂彩。故有五山永耀。八

1 2 3 4 5 6 7 8 9 90 1 2 3 4 5 6 7 8 9 100

樹潛輝。玉質常存。權形取滅。斯盡大悲大願熏習力。
 故一切法法爾一心作故。即是甚深緣起之用也。
 縱止行成。尅證全體。繇觀行成。能興大用。此總明
 作用之大端也。能證三諦之智。名爲佛寶。所證三
 性之理。名爲法寶。理外無智。智外無理。名爲僧寶。
 故混爾無三也。分別依他二性。名俗諦。真實之性。
 名真諦。又三性俱名俗諦。三性無性名真諦。又三
 性三無性名言建立。俱名俗諦。二性三無性本惟
 一心。名真諦。故莽然不二也。餘可知。

(辛)二明雙遮雙炤作用

又止行成故。其心平等。不住生死。觀行成故。德用緣
 起。不入涅槃。又止行成故。住大涅槃。觀行成故。處於
 生死。

不住不入。是雙遮能住能處。是雙炤也。

(辛)三明離過具德作用

又止行成故。不爲世染。觀行成故。不爲寂滯。又止行
 成故。卽用而常寂。觀行成故。卽寂而常用。

不染不滯。是離過用寂寂用。是具德也。

(辛) 四明融卽離微作用

又止行成故。知生死卽是涅槃。觀行成故。知涅槃卽是生死。又止行成故。知生死及涅槃二俱不可得。觀行成故。知流轉卽生死不轉是涅槃。

諸法從本來。常自寂滅相。不復更滅。故生死卽是本涅槃。二乘所證涅槃。仍是真常流注。故卽是變易生死。此對待論融卽也。二種生死。元無生死之相。如舉波卽水。故生死卽是涅槃。三德涅槃。亦無涅槃之相。如全水在波。故涅槃卽是生死。此絕待論。

融卽也。隨緣常不變故。生死涅槃二俱平等。無有一相可得。所謂其入離也不變。常隨緣故。隨流轉緣。名爲生死。隨不轉緣。名爲涅槃。所謂其出微也。初備顯作用竟。

(庚) 二重明所依

問曰。菩薩卽寂興用之時。三性之中。依於何性而得成立。答曰。菩薩依他性道理。故能得卽寂興用。兼以餘性助成化道。此義云何。謂雖知諸法有卽非有。而復卽知不妨非有而有。不無似法顯現。何以故。以

80 1 2 3 4 5 6 7 8 9 90 1 2 3 4 5 6 7 8 9 100

緣起之法法爾故。是故菩薩常在三昧。而得起心憫念衆生。然復依分別性觀門故。知一切衆生受大苦惱。依依他性觀門故。從心出生攝化之用。依真實性觀門故。知一切衆生與已同體。依分別性止門故。知一切衆生可除染得淨。依依他性止門故。不見能度所度之相。依真實性止門故。自身他身本來常住大般涅槃。

答中先標二義次別釋成。謂雖知諸法下。釋依依他性道理也。然復依分別下。釋餘性助成化道也。

(庚)三再示方便

又若初行菩薩欲有所作。先須發願。次入止門。卽從止起觀。然後隨心所作卽成。何故須先發願。謂指免所求。請勝力加故。復何須入止。謂欲知諸法悉非有故。是故於一切有礙之法。隨念卽通。何故卽從止起觀。謂欲知一切法皆從心作故。是故於一切法有所建立。隨念卽成也。若久行菩薩。卽不如是。但發意欲作。隨念卽成也。諸佛如來。復不如是。但不緣而照。不慮而知。隨機感所應見聞。不發意而事自成也。譬如

80 1 2 3 4 5 6 7 8 9 90 1 2 3 4 5 6 7 8 9 100

摩尼。無心欲益於世。而隨前感。兩寶差別。如來亦爾。隨所施爲。不作心意。而與所益相應。此蓋由三大阿僧祇劫。熏習淳熟。故得如是。更無異法也。

先明初行方便。次明久行及佛之不同。然非因初行。安有久行。非有久行。安得成佛。故知欲成佛者。須學初行之方便矣。

(巳)二偈頌三初頌理諦。二頌觀法。三頌勸修。

(庚)今初

心性自清淨。諸法唯一心。此心卽衆生。此心菩薩佛。

生死亦是心。涅槃亦是心。一心而作二。還無二相。一心如大海。其性恒一味。而具種種義。是無窮法藏。初一句總頌真體。次一句攝事歸理。無一法而非全心也。次四句全理成事。無一法之全理。不還具衆生佛菩薩生死涅槃種種法也。一心作二。卽不變常隨緣義。一無二相。卽隨緣常不變義。海喻可知。

(庚)二頌觀法。三初法說。二喻說。三合結。(辛)今初

80 1 2 3 4 5 6 7 8 9 90 1 2 3 4 5 6 7 8 9 100

熏藏心故起。既知如來藏。依熏作世法。應解衆生體。悉是如來藏。復念真藏心。隨熏作世法。若以淨業熏藏。必作佛果。

觀察自身心。謂約染濁分別性修止觀也。知悉由染業熏藏心故起。是約染濁依他性修止觀也。應解衆生體。悉是如來藏。是約染濁真實性修止觀也。復念真藏性等四句。是以染例淨。卽約清淨三性修止觀也。又如來藏依熏作世法。是知不變常隨緣也。衆生體。悉是如來藏。是解隨緣常不變也。

世法旣爾。佛果例然。約性則一。真平等。約修則因滿果圓。所以必須依止一心勤行妙止觀也。

(辛)二喻說

譬如見金蛇。知是打金作。卽解於蛇體。純是調柔金。復念金隨匠得作蛇蟲形。卽知蛇體金。隨匠成佛像。蛇喻染濁分別性。打喻染濁依他性。蛇體純是調柔金。卽喻染濁真實性。又打金作蛇。喻不變隨緣。蛇體純金。喻隨緣不變也。蛇體金。喻現前一念心性。匠。喻止觀法門。成佛像。喻成出障淨法身也。

80 1 2 3 4 5 6 7 8 9 90 1 2 3 4 5 6 7 8 9 100

辛三合結

力身止觀釋要四

藏心如真金。具足違順性。能隨染淨業。顯現凡聖果。
金可爲蛇爲像。即是具足蛇像二性。故能隨匠打
作蛇像。藏心亦爾。本具違順二性。故能隨染淨二
業。顯現凡聖二果。然正爲蛇時。像性仍在。故可轉
蛇作像。則知正在染時。淨性仍在。故可轉凡成聖
也。蛇像非佛像。故須修證。佛金卽蛇金。故常平等。
彼執性廢修。執修昧性者。安知常同常別法界法
門哉。二頌觀法竟。

庚三頌勸修

以是因緣故。速習無漏業。熏於清淨心。疾成平等德。
是故於卽時。莫輕御自身。亦勿賤於他。終俱成佛故。
淨心爲因。淨業爲緣。因必藉緣。故須速習無漏業。
緣熏於清淨心之真因。令成本來平等之妙德也。
我心旣卽佛性。安可輕御。御者用也。一切衆生皆
有佛性。安可賤他。旣不自輕。亦不賤他。是名平等
佛德。

己三結

大乘上見釋要四

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

此明止觀作用竟。上來總明五番建立止觀道理訖。已上第二大科廣作分別竟。

(乙)三歷事指點三。初明禮佛時止觀。二明食時止觀。三明便利時止觀。(丙)初中三。初觀門。二止門。三雙行。(丁)初又二。初實事觀。二假想觀。

(戊)初又三。初法。二喻。三合。(己)今初

凡禮佛之法。亦有止觀二門。所言觀門禮佛者。當知十方三世一切諸佛悉與我身同一淨心爲體。但以諸佛修習淨業薰心故。得成淨果。差別顯現。徧滿十

方三世。然一一佛皆具一切種智。是正徧知海。是大慈悲海。念念之中。盡知一切衆生心。心數法。盡欲救度一切衆生。一佛既爾。一切諸佛皆悉如是。是故行者若供養時。若禮拜時。若讚歎時。若懺悔時。若勸請時。若隨喜時。若廻向時。若發願時。常作是念。一切諸佛悉知我供養。悉受我供養。乃至知我發願。此依法性及與佛德。稱實而觀。行願品所謂起深信解。如對目前者也。

(己)二喻

猶如生育之人。於大衆中行種種惠施。雖不見大衆諸人。而知諸人皆悉見已所作。受已所施。與有目者行施無異。

無始無明未破喻如生盲。然能作此信解。則功德與菩薩等矣。

(巳)三合

行者亦爾。雖不見諸佛。而知諸佛皆悉見已所作。受我懺悔。受我供養。如此解時。即時現前供養。與實見諸佛供養者等。無有異也。何以故。以觀見佛心故。佛

心者。大慈悲是也。

雖不見諸佛。而見諸佛大慈悲心。所謂雖是肉眼。名爲佛眼也。

(戊)二假想觀二初佛身觀二供具觀。

(巳)初中二
初直示二釋疑

又若能想作一佛身相嚴好。乃至能得想作無量諸佛一一佛前皆見已身供養禮拜者。亦是現前供養。何以故。以是心作佛是心是佛故。

是心作佛者。能作他方應佛。能作自己果佛也是。

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

心是佛者。心卽他方應佛。心卽自己果佛也。又是
心作佛故。非自然是心是佛。故非因緣。卽中之空。
假名作能破三惑。能立三法。故能感他佛三身圓。
應能成我心三身當果。卽空假之中名是。則全惑
卽智。全障卽德。故心是應佛。心是果佛也。又始學
名作。終成卽是佛。又諸佛法身與已同體。現觀佛
時。心中現者。卽是諸佛法身之體。名心是佛。望已
當果繇觀而成名。心作佛。若欲悉知。具如妙宗鈔。
庚二釋疑二初明假想非妄二明感應俱成。

辛初中三初直明非妄二遠勝二乘三徑齊菩薩

壬今初

問曰。前之一番供養實有道理。可與現前供養無異。
此後一番想作佛身者。則無道理。何以故。以實不見
佛身。假想作見。卽是妄想相故。答曰。佛在世時所有
衆生。現前所見佛者。亦是衆生自心作也。是故經言。
心造諸如來。以是義故。卽時心想作佛。則與彼現前
見佛一也。

壬二遠勝二乘

又復乃勝二乘現見佛者。何以故。以彼二乘所見之佛實從心作。由無明故妄想曲見。謂從外來。非是心作。故即是顛倒。不稱心性緣起之義。是故經言聲聞曲見。又復經言。是人行邪道不能見如來。所言如來者。即是真如淨心。依熏緣起。果報顯現。故名如來。彼謂心外異來。故言不能見也。我今所見諸佛。雖是想心所作。但卽能知由我想念熏真心故。心中現此諸佛。是故所見之佛不在心外。唯是真心之相。有卽非有。非有卽有。不壞真寂。不壞緣起。是故勝彼二乘現

前見也。

二乘不達唯心。此達唯心。一勝也。二乘入寂便壞緣起。此則不壞緣起。二勝也。

(王)三徑齊菩薩

又若我以想心熏真心故。真心性起。顯現諸佛而言。是妄想者。道場會衆皆以見佛之業熏真心故。盧舍那佛在於真心中現。彼諸菩薩亦是妄想。若彼菩薩所見之佛實從心起。見時卽知不從外來。非是妄想者。我今所見諸佛亦從心起。亦知不從外來。何爲言。

80 1 2 3 4 5 6 7 8 9 90 1 2 3 4 5 6 7 8 9 100

是妄想。又復彼諸菩薩所修見佛之業。悉是心作。還熏於心。我今念佛之想。亦是心作。還熏於心。彼此卽齊。是故彼若非妄我卽真實。

初明假想非妄竟

辛二明感應俱成四。初重明同體心性。二明依想得見真佛。三生佛互論熏心四結成感應不二。

(王)今初

問曰。若一切諸佛唯由衆生自心所作者。卽無有實佛出世。答曰。不妨。一切諸佛出世。而卽是衆生自心

所作。何以故。謂由一切諸佛。一切衆生。同一淨心爲體。故然此淨心全體。唯作一衆生。而卽不妨全體復作一切凡聖。如一衆生。是淨心全體所作。其餘一一凡聖。悉皆如是。一時一體。不相妨礙。是故若偏據一人以論心者。此人之體。卽能作一切凡聖。如藏體一異中。釋此義也。由此義故。一切諸佛。唯是我心所作。但由共相不共相識義故。雖是我心能作諸佛。而有見不見之理。如共相不共相識中。具明。

衆生自心所作。卽是實佛。實佛。卽是衆生自心所

作。以一切諸佛。一切衆生。同一淨心爲體故。若達

前文藏體一異之義。則不計實佛在我心外。若達
共相不共相識之義。則不疑衆生有見有不見矣。

(五)二明依想得見真佛

以是義故。若能方便假想者。此想卽熏真心與諸佛
悲智之熏相應。故於真心中顯現諸佛自得見之。此
所現之佛。以我假想見佛之業與佛利他之業相應。
熏心起故。此佛卽是我共相識也。是共相識故。卽是
真實出世之佛。爲我所見。若無見佛之業與佛利他

之德相應熏心者。一切諸佛雖是我淨心所作。而我

常不得見佛。

或假想爲能感悲智爲能應。感於衆生心內諸佛。故
心外無佛。應於諸佛心內衆生。故佛出是真也。

(五)三生佛互論熏心

是故若偏據諸佛以論淨心。卽諸佛淨心作一切衆
生。但佛有慈悲智力熏心。故得見一切衆生。若偏據
衆生以論淨心。卽衆生淨心作一切諸佛。但衆生有
見佛之業熏心。故得見一切諸佛。

真佛爲法界。故無佛心外之衆生。生爲法界。故無衆
生心外之佛。自熏自見。復何疑哉。

(五)四結成感應不二

是故假想熏心者。卽心中諸佛顯現可見。所見之佛。
則是真實出世之佛。若不解此義故。謂釋迦如來是
心外實佛。心想作者是妄想作佛。如是執者。雖見釋
迦如來。亦不識也。

假想爲能感實佛爲能應所感實佛。既不在衆生
心外。所應衆生。又豈在釋迦心外。是謂感應不二。

也。若曲計釋迦實在心外。所想不是真佛者。是人

行邪道不能見如來矣。已上佛身觀竟。

(六)二供具觀

又復行者。旣如是知一切諸佛是心所作故。當知身
及供具。亦從定心出生。以是義故。當想自身心。猶如
香藏王。身諸毛孔內。流出香煙雲。其雲難思議。充滿
十方刹。各於諸佛前。成大香樓閣。其香樓閣內。無量
香天子。手執殊妙香。供養諸最勝。或復想自身。徧滿
十方國。身數等諸佛。親侍於如來。彼諸一一身。猶如

80 1 2 3 4 5 6 7 8 9 90 1 2 3 4 5 6 7 8 9 100

大梵王。色相最殊妙。五體禮尊足。知身及供具。悉是一心爲。不生妄想執。謂爲心外有。復知諸菩薩。所有諸供具。悉施諸衆生。令供養諸佛。是故彼供具。即是已有。知是已有。故持供諸如來。以已心作物。及施他已者。復廻施衆生。供獻諸最勝。深入緣起觀。乃能爲此事。此觀門禮佛。

文有八段。初又復行者下。既知是心作佛。便可從心作身及供具也。二當息自身心下三偈。是想所供周徧。三或復想自身下二偈。是想能供周徧。四

知身及供具一偈。是止觀雙行。五復知諸菩薩。下二偈。是自他不二。六以已心作物一偈。是善巧廻向。七深入緣起觀二句。是結歎功能。八此觀門禮佛句。乃總結前文也。

①二止門

止門禮佛者。當知一切諸佛。及以已身。一切供具。皆從心作。有卽非。唯是一心。亦不得取於一心之相。何以故。以心外無法能取此心相故。若有能取所取者。卽是虛妄。自體非有。如是禮者。卽名止門。

皆從心作。卽無相性。有卽非有。卽無生性。唯是一
心。卽無性。性亦不取於一心之相。卽無真性也。

丁三雙行非言非是。一念亦不見。非一念亦不見。

復不得以此止行故。便廢息觀行。應當止觀雙行。所
謂雖知佛身我身及諸供具體。唯一心而卽從心出
生緣起之用。熾然供養。雖復熾然供養。而復卽知有
卽非有。唯是一心平等無念。是故經言。供養於十方
無量億如來諸佛及己身。無有分別相。此是止觀雙
行也。

初明禮佛時止觀竟

丙二明食時止觀。二初觀門。二止門。 (丁) 初中二
初普供觀。二除貪觀。戊初又二。初轉粗作妙
觀。二轉少爲多觀。 (己) 今初

凡食時亦有止觀兩門。所言觀者。初得食時爲供養
佛故。卽當念於此食。是我心作我今應當變此疎食
之相。以爲上味。何以故。以知諸法本從心生。還從心
轉故。作是念已。卽想所持之器。以爲七寶之鉢。其中
飲食。想爲天上上味。或作甘露。或爲粳糧。或作石蜜。

或爲酥酪種種勝膳等。作此想已。然後持此所想之食施與一切衆生。共供養三寶四生等食之。當念一切諸佛及賢聖悉知我等作此供養。悉受我等如是供養。作此供養已。然後食之。是故經言。以一食施一切供養諸佛及諸賢聖。然後可食。問曰。旣施與三寶。竟何爲得自食。答曰。當施一切衆生共供養三寶時。即兼共施衆生食之。我此身中八萬戶蟲。即是衆生之數故。是故得自食之。令蟲安樂不自爲已。

(巳) 二轉少爲多觀

又復想一鉢之食。一一米粒。復成一鉢上味飲食。於彼一切鉢中。一一粒米。復成一鉢上味飲食。如是展轉出生。滿十方世界。悉是寶鉢。成滿上味飲食。作此想已。持此所想之食施與一切衆生。令供養三寶四生等。作此想已。然後自食。令已身中諸蟲飽滿。

普供觀竟

(戊) 二除貪觀

若爲除貪味之時。雖得好食。當想作種種不淨之物食之。而常知此好惡之食。悉是心作虛相無實。何故

得知。以向者鉢中好食。我作不淨之想看之。卽唯見不淨。卽都不見淨故。將知本時淨食。亦復如是。是心所作。此是觀門。

⑦二止門

止門喫食者。當觀所食之味。及行食之人。能食之口。別味之舌等。一一觀之。各知從心作故。唯是心相。有卽非有。體唯一心。亦不得取於一心之相。何以故。以心外無法能取此心相故。若有能取所取者。卽是虛妄。自體非有。此名止門。

配上三性止門。如文可知。二明食時止觀竟。

丙三明便利時止觀二。初正明。二釋疑。丁初中

廿四二。初觀門。二止門。戊今初

凡大小便利。亦有止觀。所言觀者。當於穢處作是念言。此等不淨。悉是心作。有卽非有。我今應當變此不淨。令作清淨。卽想此穢處作寶池寶渠。満中清淨香水。或滿酥酪。自想已身。作七寶身。所乘便利。卽香乳酥蜜等。作此想已。持施一切衆生。卽復知此淨相。唯是心作。虛相無實。是名觀門。

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

此等不淨悉是心作。分別本空也。有卽非有。依他無性也。變作清淨。清淨分別性觀也。淨相唯心。清淨依他性觀也。虛相無實。清淨真實性觀也。

(戊)二止門

所言止門者。知此不淨之處。及身所棄不淨之物。唯是過去惡業熏心。故現此不淨之相可見。然此心相有卽非有。唯是一心平等無念。卽名止門。

觀則轉染濁性爲清淨性。止則但除染濁三性入三無性也。惡業熏心故現不淨。然此心相有卽非

有。除分別性入無相性也。唯是一心。除依他性入

無生性也。平等無念。除真實性入無性性也。

(丁)二釋疑二初正釋所疑二例通諸法。(戊)今初

問曰。上來所有淨不淨法。雖是心作。皆由過去業熏所起。何得現世假想變之。卽從心轉。答曰。心體具足一切法性。而非緣不起。是故溷中穢相。由過業而得現。寶池酥酪之業熏心。故淨相得生。厭惡之心。空觀之心。即是除滅不淨之緣。淨熏心故穢相隨滅。此蓋過去

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

之業。定能熏心起相。現世之功。亦得熏心顯妙用也。
加心淨想。指上觀門。厭惡之心。指上止門。空觀之
果心。雙指二門。真實性中止觀。所謂虛相無實。平等
一無念也。

戊 二例通諸法三。初正釋成方便。二釋見不見之
由。三釋神通差別之故。

由。三釋神通差別之故。己 今初
如此於大小便處。假想熏心而改變之。其餘一切淨
穢境界須如是假想熏心以改其舊相。故得現在除
去憎愛。亦能遠與五通爲方便也。然初學行者。未得

事從心轉。但可閉目假想爲之。久熟純熟。卽諸法隨
念改轉。是故諸大菩薩乃至二乘小聖。五通仙人等
能得卽事改變。無而現有。

去穢作淨想。則能除憎淨。作穢想。則能除愛。憎愛悉
除。便成漏盡。假想純熟。法隨念轉。便成五通。出世
方便。孰過於此。

己 二釋見不見之由

問曰。諸聖人等種種變現之時。何故衆生有見不見
答曰。由共相識故得見。由不共相識故不見。

80 1 2 3 4 5 6 7 8 9 100 1 2 3 4 5 6 7 8 9

卷五
三釋神通差別之故

問曰。菩薩神通與二乘神通有何差別。答曰。二乘神通但由假想而成以心外見法。故有限有量。菩薩神通由知諸法悉是心作。唯有心相。心外無法。故無限無量也。又菩薩初學通時。亦從假想而修。但卽知諸法皆一心作。二乘唯由假想習通。但言定力不言心作。道理論之一等心作。但彼二乘不知故有差別也。菩薩習通亦從假想二乘定力亦惟心作。祇由知與不知。遂令力量迥別。然則修止觀者可不先悟。

大乘止觀釋要跋語

吾儒大學之道莫先於致知格物。苟心性源頭未澈。烏覩所謂物格知至耶。藕益大師弘法萃於普德。舒見其橫說堅說直捷痛快。因請問入手方便。師以南嶽大乘止觀法門四卷相示。且告舒曰。予所宗者天台。而此又天台宗所從出之源也。文簡義富。久銅藏中。向因講演。曾爲釋要。居士曷究心焉。舒得展讀。如獲至寶。以三性爲止觀境。則格物致知之功也。了達三性無性。則物格知至之效也。弗忍自私。爰謀削劂

顧惟力弱且謂獨善不若與人與少不若與衆遂集
 衆緣而共梓之竊聞藕師未出家時卽已力究宗乘
 今乃披襟自稱座主蓋繇以宗印教故仍藉教顯宗
 所願閱是書者勿作語言文字觀亦勿離語言文字
 而求解脫若見語言文字卽非語言文字者則見藕
 益大師亦見南嶽大師亦見釋迦如來亦見吾人本
 有心性矣請借子韶一偈爲作證盟偈曰予韶格物
 妙喜物格欲識一貫兩箇五百

弟子張蒼舒敬跋

助刊姓氏

何其英

倪嘉慶

凌世詔

陳丹衷

李邦鑑

陳大義

張蒼舒

宋之呂

楊柱

楊士生

鄭天道

卜仁年

凌芝祥

張雅言

朱睿熾

劉象先

80

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

且子文正《入東山集》卷之三
舊稿更題記

張琪

陳之龍

周掌文

季傳靜

李弘運

任輿

翁明

吳應學

陳世忠

朱法心

羅大儒



趙氏

劉其英

劉其英

80

1 2 3 4 5 6 7 8 9 10 11 12 13 14 15 16 17 18 19 100 111 122 133 144 155 166 177 188 199

十六